

Corte di prome instancia a dicta sentencia contra Alberto Groeneveldt pa caso di cacho Khaleesi



Pagina 3

- **Diasabra awo
Baki den Bario
ta na Santa
Cruz**

Pagina 2


- **Profesionalnan
di DVG ta
presenta mas
data di encuesta
STEPS2023**

Pagina 7

- **Haiti ta prepara
pa e yegada di
forsa multinacional
seguridad**

Pagina 11

Aruba a contribui na rapport internacional ariba desafionan di cambio climatico y Estado di Adaptacion



Pagina 4

Noruega, Irlanda y España ta bisa cu nan lo reconoce un estado Palestino



Pagina 24

Hulanda:

Debate tocante coalicion nobo: Preocupacion
tocante falta di igualdad y division social



Pagina 9


**STUDENT
DEALS**



Sken e QR-code pa
mas informashon



Diasabra awo Baki den Bario ta na Santa Cruz

E actividad di Baki den Bario a bira hopi popular den comunidad. Esaki ta e oportunidad pa e ciudadanonan por deshaci di nan desperdicio di cas di un forma completamente gratis. Desde cu dump na Parkietenbos a cera, e situacion di sushi rond di Aruba a bira hopi grave y lamentablemente te ainda, e problema ta keda persisti, a pesar di e esfuersonan di gobierno y otro institucion- y fundacionnan.

Baki den Bario ta un iniciativa cu ta forma parti di e campaña Limpi Limpi di gobierno. Parti di e meta di campaña nacional Limpi Limpi, ta pa conscientisa e ciudadanonan ariba e procesamiento responsable di desperdicio.

Baki den Bario a inicia den luna di september 2023 y a logra colecta 781 baki di desperdicio y a conta cu mas di 4,998 vehiculo cu a bin haci uso di e evento, sin conta e cantidad di vehiculonan cu a participa durante e prome actividad.

E actividad a cuminsa aceptando cinco diferente tipo di desperdicio basa riba e tipo



cu mas tabata yega na dump Parkietenbos. Despues di e prome actividad na San Nicolas, a tuma decision pa pone baki apart pa taira y carton, a cuminsa acepta azeta di cushina usa y a cambia e orario pa un ora mas prome, for 7or di mainta te cu 11or

di mainta. Distrito y localidad di e actividad ta basa riba e experiencia, pero tambe datos y experiencia di pasado, relatando na desperdicio produci den cada bario cual ta inclui cantidad di vivienda/famia den e bario.

Baki den Bario no ta habri pa desperdicio comercial, solamente desperdicio residencial y no ta acepta asbestos tampoco. Na algun ocasion a bin encontra asbestos, cual no ta ser acepta den e actividadnan di Baki den Bario. Esaki ta pa motibo cu asbestos tin

companianan specifico cu tin permiso di DTI pa atende cu esaki cu normanan estricto cu e companianan aki mester sigui.

A pesar di e esfuersonan aki, un gran cantidad di ciudadanonan ta actua di forma irresponsabel y ta contribui na e sushedad cu tin rond di Aruba. Un cantidad di dumpnan ilegal a nace pa motibo cu ya no por a hiba nan desperdicio dump y no tabata kier paga pa tira nan desperdicio afo.

Na esaki por agrega tambe cu e prijsnan di containernan pa tira sushi afo no ta accesibel pa tur hende. E prijsnan ta varia depende di e tipo di sushi. Un container pa benta sushi residencial tin un costo di alrededor di 650 florin y container special pa tira desperdicio di construccion por costa alrededor di 1,050 florin.

Diasabra 25 di mei e siguiente actividad di Baki den Bario ta tuma luga y ta recorda tur ciudadano cu kier deshaci di nan desperdicio durante e actividad aki cu e sushi mester ta separa segun e tiponan di sushi cu ta ser acepta.

Zoey Conijn di Luna Foundation: “Nan a bay ataca mi fundacion y esey mi no ta acepta”

Luna Foundation y Crijajo Trappers Aruba tabata e dos fundacion cu tambe tabata presente den e caso di ayera na Corte di prome Instancia caminda a condena Alberto Groeneveldt pa negligencia di un bestia.

Zoey Conijn di Luna Foundation y Jacqueline Boderie di Crijajo Trappers ta e personanan cu mas tabata involvi den e caso mirando cu nan ta esun cu a drenta den cas di Groeneveldt y bay cu Khaleesi y su puppiesnan ora e situacion di negligencia a bay asina leu na unda cu den un video y potret cu a bay viral por a mira con Khaleesi a keda. Lamentablemente e no por a wanta y a muri dia 31 di maart.

Ayera ora e caso a culmina Bon Dia Aruba a puntra tanto Conijn como Boderie kico nan tabata nan opinion tocante e sentencia caminda Conijn a sigura cu “nan a bay ataca mi fundacion y esey



mi no ta acepta, Aruba is not a playing field cu nos tin cu rescata tur eyfo, cada maltrato Luna mester t'ey y door cu e no por a cuida su cachonan ta

pa via di nos, “el a sigura. Asinames, el a destaca cu cuido di cacho ta responsabilidad di cada doño di mascota “no di e fundacionnan cu ta nos

trabou pa rescata nan tur no ta nos trabou, nos ta boluntario, mi por stima y duna tempo na loke nos ta haci pero pa critica nos y pa purba tira e

culpa riba nos banda no, no ta bon.” Conijn a señala. Riba e pregunta di otro medio si nan tabata conforme cu e sentencia di hues ken a duna Groeneveldt como castigo 60 ora di trabou comunitario, unda 20 di nan ta condicional y 750 florin di multa, Conijn a señala cu si nan si ta conforme cu esey. El a duna como mensahe na comunidad “pa zorg miho pa bo mascotanan, no pone tur e trabou riba fundacionnan of tur e presion riba nos, nan ta bo mascotanan, ta bo responsabilidad, nos t'ey pa yuda unda cu nos por y con nos por, pero no pone tanto presion riba nos.”

Tambe nan a trece dilanti cu na momento e puppiesnan a ser rescata pa nan, nan tabata muestra den estado di abandono y desnutri, cu no tabata asina cu nan tabata den bon condicion manera Groeneveldt su abogado, Desiree Croes a señala den corte.

Corte di prome instancia a dicta sentencia contra Alberto Groeneveldt pa caso di cacho Khaleesi

Ayera mainta a tuma luga na corte di prome instancia e caso contra Alberto Groeneveldt, ken tabata acusa y a keda sentencia pa negligencia intencional di bestia cu 60 ora di trabao comunitario, unda 20 di nan ta condicional y 750 florin di multa.

E caso cu a cuminsa pasa di 8:40 di mainta, a conta cu presencia di varios fundacion protector y defensor di bestia, publico tambe tabata presente y Cuerpo Especial Arubano (CEA) pa asina resguarda e orden publico rond di corte.

Na comienso, Groeneveldt a señala cu e semper tabata un persona ocupa cu su trabao, y cu e parti di mas tristo ta cu e situacion aki a sucede den su cas, sin sa kico por a pasa cu Khaleesi, ken tabata su cacho y cu a muri dia 31 di maart ultimo debi na negligencia.

Groeneveldt a sigura na hues cu e ta sinti hopi tristo di loke a pasa cu su cacho y cu semper e tabata stima bestia. Ora hues a puntra si tabata normal cu e cacho tabata mara na cadena, Groeneveldt a bisa cu normalmente su cachonan tabata los y cu e no tabata mara nan cu cadena. Despues cu e incidente a pasa el a haya sa cu un hende di su cas a marele. Groeneveldt a keda insisti cu maske cu e tabata responsable pa Khaleesi, e no sa con cos a bay robes, ni sa ken a mara cadena na nek di Khaleesi, ni tabata sa cu Khaleesi tabata den mal estado.

Den e tratamiento di e caso tambe a bin dilanti cu e puppies cu fundacionnan a rescata hunto cu Khaleesi, yiunan di Khaleesi, tabata den bon estado; algo cu Luna Foundation y Crijojo Trappers a nenga mesora den un declaracion haci pafo di corte, indicando cu nan tin potretnan unda ta muestra con nan tabata den estado di desnutricion.

Durante su declaracionnan, Groeneveldt tabata muestra bon compostura y tabata papia tranquil. Sinembargo, su emocionnan finalmente a muestra ora el a conta hues di e consecucionnan cu el a sufri desde cu e caso a bira conoci. El a conta con tur su contractnan a keda cancela, el a perde miembresia na diferente organisacion, y hasta a



haya prohibicion di drenta algun lugar. Tambe a destaca e menasa y negatividad cu el a ricibi a traves di rednan social.

Mientras tanto, defensa di Groeneveldt, abogado Desiree Croes a sigura cu Groeneveldt no tabata negligente pasobra dos luna prome cu rescate di Khaleesi, Groeneveldt a tuma contacto cu fundacion pa pidi ayudo, ya cu e no tabata por cuida su animalnan debidamente. Sinembargo, e fundacion no por a tuma e cachonan e tempo ey ya cu nan no tabatin lugar pa pone nan. Asina mes, Croes a acusa cu "Luna Foundation ta co-culpabel pasobra nan no a bay busca e cacho" ora Groeneveldt a pidi ayudo. E ponencia aki a crea

conmocion entre esnan presente den e sala.

Fiscal di Ministerio Publico a pidi como castigo 60 dia di trabao comunitario of 30 dia cera den KIA, pa motibo cu no por a proba cu Groeneveldt tabatin e intencion pa Khaleesi muri, y tambe teniendo cuenta cu esaki tabata su prome castigo. Tambe hues a bisa cu a tene cuenta cu e hecho cu Groeneveldt a sufri caba pa e consecucionnan di e morto di Khaleesi den comunidad. E sentencia di e hues pa caso aki ta 60 ora di trabao comunitario unda 20 di nan ta condicional mas 750 florin di multa.

Abogado di Groeneveldt: "Tin cosnan cu a bay robes, no cu tabatin in-

tencion"

Ora caso a culmina, na salida di corte abogado Croes a sigura cu ta bon cu nan a logra trece nan bandi medaya den corte, "a papia di un abuso cu tabatin hopi tempo y lo cual a tuma luga ta cu e cacho tabata mara for di 21 di maart te cu 26 di maart, 5 dia, esey ta hopi importante pa nos trece dilanti pasobra den tur atencion cu el a haya no tabata duidelijk kico a pasa." El a sigura.

Croes tambe a expresa cu "tabata importante pa Groeneveldt trece su puntonan dilanti y pa pueblo tambe sa kico a pasa pasobra ya 17 di januari ultimo me- neer Groeneveldt a acerca e fundacionnan pa bin yude cu e cacho, el a haci e trabao cu e mester a haci, el a pidi nan

pa bay cu e cacho y esaki no a pasa, tambe despues Polis di Bario mester a bini pa bay cu e cachonan y tampoco a pasa, na fin di dia e ta keda responsable y e ta tuma su castigo pasobra tin cosnan cu a bay robes, no cu tabatin intencion pero e cacho a keda mara un dia y nos a kere cu door cu e cacho ta hopi nervioso, el a draai door di e cadena, anto el a haci su mes daño, pero na fin di dia ta un ser humano cu ta keda responsable pa e cacho y p'esey tambe el a bisa den cuminsamento, cu e castigo cu lo pidi lo mi acepte aunke no tabata mi intencion, na ningun momento pensando cu mi ta bay haci algo malo pero e tabata mi cacho y a mi mester tuma e responsabilidad, esey ta lo cual a pasa awe," el a bisa.

Groeneveldt por a haya seis luna di castigo den prison ya cu esey tabata e sentencia maximo segun Croes a sigura, "y hues a tene cuenta cu tur e circunstancianan di cual a ser splica caba," si den caso cu Groeneveldt ta dicidi di no cumpli cu e sentencia, e tin un castigo di prison cu ta 1 luna.

"Nos a dicidi awe di biaha cu nos no lo apela e decision di hues pa asina e caso por caba awe," Croes a destaca.

Tambe, el a bisa cu algo cu a sali den caso aki ta cu tin hopi caso ta pasando afo unda nan a busca riba Internet "y nos a wak e Facebook di e mesun fundacion aki y nos a mira cu for di lunanan caba nan tin e mesun situacion, un cacho cu bo ta wak cu e cadena a literalmente crece den su cueyo y nos no sa ken e persona ta, toch? Un cacho cu a laga no sa cuanto ora den auto pero nos no sa ken e persona ta, dus aworaki a hiper focus riba Groeneveldt, el a bira e cara di e persona cu ta maltrata cacho siendo cu esey ta tuma luga asina hopi y p'esey mes tambe a trece dilanti y mi ta keda para riba dje si, cu me- neer Groeneveldt a pidi ayudo y tin un parti di culpabilidad tambe di fundacionnan cu ora pidi ayudo pasobra bo no por mas, p'esey e fundacionnan tey nan tambe, nan ta haya sponsor cu nan por yuda hende y esaki no a tuma luga, nan por tuma mi na malo, pero si tin un persona yama fundacion y bisa mi no por mas, dos luna y un siman despues bo ta yega den cas."

Aruba a contribui na rapport internacional ariba desafionan di cambio climatico y Estado di Adaptacion

A traves di un publicacion ariba su pagina di Facebook, minister di Transport, Integridad, Naturalesa y Asuntonan di Adulto Mayor, Ursell Arends a anuncia cu diamars 21 di mei e International Panel on Deltas Coasts and Islands (IPDC) a lansa e rapport tocante e estado di adaptacion climatico den deltanan, areanan costal y islanan, cu contribucion di tur e islanan den Caribe Hulandes.

El a indica cu e rapport ta un compilacion di contribucion activo di Aruba, Boneiro, Corsou, Sint Maarten, Saba y St. Eustatius. E rapport ta provee un analisis profundo di e desafionan climatico cu e islanan ta enfrenta, hunto cu strategianan y plannan relaciona cu adaptacion climatico.

E rapport, cu ta disponible riba e website di National Climate Resilience Council of Aruba, ta indica cu e delta-, costa- y islanan chikito ta particularmente vulnerabel pa e impacto di cambio climatico. E areanan aki hopi biaha ta densamente pobla y nan ta di importancia crucial pa sociedad, economia y ecosistema.

Cambio di patronchinan di clima ta causando yobida mas fuerte, tormenta mas intenso, olanan di calor y sekia. E clima extremo aki y otro impactonan di cambio climatico lo aumenta presion riba e sistema di awa, empeorando e retonan cu ta existi relaciona cu awa y desasternan. E ta afecta ecosistema, salud, suministro di awa di cas, transportacion,



produccion di energia y sector di economia, manera agricultura, turismo y industria. E rapport aki ta remarca cu pa proteha sustento y preserva regionnan vulnerabel manera e delta-, costa- y islanan, ta birando cada bes mas cla cu medidanan di adaptacion ta necesario pa proteha e region- y paisnan di e impacto di cambio climatico.

A pesar di progreso den plan di adaptacion global, den financiamiento y implementacion, e rapport ta señala, e esfuerso di adaptacion no ta mantene cu e riesgo di cambio climatico cu ta keda crece. E ta agrega cu ademá, e financiamiento internacional pa adaptacion cu ta bay paisnan den desaroyo ta 10-18 biaha mas chikito cu e cantidad necesario, segun calculacionnan, creando un buraco den implementacion di adaptacion (United Nations Environment Programme, 2023). Pa preveni cu e buraco di adaptacion no ta sigui amplia, esfuerso robusto pa acelera accion di adaptacion ta necesario.

E International Panel for Deltas and Coastal Areas (IPDC) ta un iniciativa di prome clase di e gobierno Hulandes como un compromiso clave pa e Agenda Accion di Awa. IPDC ta un aliansa unico,

uniendo gobiernonan, institucionnan financiero, expertonan científico y practicanan di rond di mundo.

E rapport ta enfatisa cu e mision di IPDC ta pone awa na e curason di adaptacion climatico y ta contribui pa cera e buraco entre necesidadnan di adaptacion climatico y implementacion den e delta-, costa- y islanan.

Pa logra su obhetivo, IPDC ta usa un metodo basa riba demanda pa supera e barera di implementacion y fortalece e condicionnan cu ta facilita gobernacion, desaroyo di conocimiento, capacitacion y accesibilidad na financiamiento. Pa evalua su progreso den aceleracion di e implementacion di adaptacion, IPDC ta publica actualisacion regular riba su progreso.

E prome rapport di IPDC ta describi e desafionan unico y complica cu e delta-, costa- y islanan ta enfrenta y ta enfatisa e necesidad pa acelera e esfuerso di implementacion di adaptacion pa cera e buraco.

E rapport ta splica cu pa alinea e terminologianan y identifica bareranan comun di implementacion di adaptacion, a introduci e IPDC Guidance Framework. E ta describi e plan di adaptacion

y e proceso di implementacion relaciona cu politicanan convencional den mayoria di e miembronan di IPDC den tres etapa fundamental. E prome etapa ta comprende e fase di plan strategico y ta describi paso- y elementonan clave den e proceso di plan strategico di adaptacion, e di dos ta encera consideracionnan clave pa priorisacion y plan di inversion, y e di tres ta delinea condicion- y bareranan comun pa implementacion di adaptacion.

E miembronan di IPDC ta participa activamente y ta comparti nan contextonan nacional di adaptacion den relacion cu e tres etapa di e IPDC Guidance Framework. E esfuerso colaborativo aki ta encera cu cada miembro ta contribui cu perspectiva di nan respectivo proceso di planificacion y implementacion di adaptacion nacional, incluyendo strategia di adaptacion, proceso di planificacion y inversion, y e factornan facilitador y bareranan pa implementacion.

Segun e rapport ta indica e barera comun di implementacion di e miembronan di IPDC ta relaciona cu falta di conocimiento y falta di datonan pa informa e tumentamento di decision, e complejidad asocia cu transicion di un enfoque sectoral na uno di gobernacion integra, capacidad institucional limita na varios nivel y accesibilidad limita na financiamiento.

Basa riba e barera comun aki, IPDC tin como vision pa contribui na cera e buraco di implementacion di adapta-

cion usando un metodo basa riba demanda pa fortalece condicionnan facilitador relaciona cu desaroyo di conocimiento, gobernacion apropiada, fortalece capacidad y acceso na financiamiento.

Aruba tambe a participa na e rapport aki, cual ta indica cu como un isla chikito cu un economia habri, Aruba ta altamente expuesto y vulnerable pa varios shock exterior, incluyendo, pero no limita na, shock financiero-economico y geopolitico, como tambe shock ambiental y climatico. Den termino di exposicion y vulnerabilidad di cambio climatico, e rapport ta señala cu Aruba ta expuesto na tanto shock climatico como kimaumento climatico lento. Ademá e ta resalta cu volatilidad climatico y patronchi di clima extremo a aumenta durante e ultimo siglo.

Den su publicacion, minister Ursell Arends ta subraya cu segun Dr. Ryan R. Peterson, Presidente di NCRC Aruba, e programa di IPDC ta provee un caminda esencial pa delinea y combina esfuersonan, ambicionnan colectivo di resiliencia climatico, y na mesun momentonan uni e recursonan di scarsedad financiero y di conocimiento entre e islanan.

“E lansamento di e proyecto aki ta un stap importante cerca paisnan den Reino Hulandes pa colabora pa un futuro cu resiliencia climatico y uno cu ta trata naturalesa na un manera responsabel,” e mandatarario a remarca.

Por lesa mas di e rapport aki den nos edicion di mañan.

Caso di Khaleesi a hala atencion di turista

Ayera na Corte di Prome Instancia por a nota un grupo chikito di turista wardando pafo mientras Corte tabata trata e caso di Alberto Groeneveldt, kende a keda sentencia pa negligencia di su cacho, cu a bira conoci den comunidad como Khaleesi.

Bon Dia Aruba a acerca e grupo di turista pa haya sa mas di nan posicion y opinion riba e caso. Tabata trata di un grupo di Hulandes y dos muhe Mericano.

E grupo Hulandes a conta Bon Dia Aruba cu nan tabata haya cu loke a sucede cu Khaleesi tabata “horrible.” “Pasobra boso tin e frase akinan, ‘One Happy Island,’ pero e no ta un

isla feliz, no pa cacho. Ta hopi tristo y ta pone mi bira emocional cu hende akinan – no tur, pero al menos e guy aki – ta trata cacho asina malo.”

Nan a menciona tambe cu e caso di Khaleesi a hala atencion riba rednan social hasta na Hulanda, pues el a bira viral. “Mi a papia cu mi amigo y famia y conoier, y nan tur a bisa ‘un isla asina teribel, mi no ta bay eyan cu vakantie pasobra ta asina malo cu cacho.’ Pues pa Aruba, e ta atencion negativo.”

Tocante e sentencia, nan ta opina cu e sentencia ta zwak. “E ta un bon señal, pero solo un señal.”

E dos Mericano a expresa sorpresa pa e hecho cu a permiti Groeneveldt keda cu un cacho, y no a prohibie di

tene mascota. “E tabata un di e casonan mas horrifico cu mi a yega di mira, y mi a haci rescate aki (na Aruba) y na Merca,” un di nan a conta. “Mi no a mira algo asina den henter mi bida.”

Tocante e sentencia, nan a expresa cu nan tabata spera lo a duna castigo di prison. “Precedente di prison lo



tabata bon pa asina cosnan por bay dilanti aki na Aruba. Cosnan ta pasa hopi mas lihe na Merca... pero mi no ta sorprende.”

“Tambe mester a prohibi’e di tin mascota,” e otro Mericano a comenta. “Mester a prohibi’e di tin cacho pa semper.” Nan a indica cu na Merca, den caso di maltrato di bestia, ta prohibi e persona di tin mascota. “Usualmente nan tambe ta kita tur nan bestia.”

Pa finalisa, el a bisa cu e caso aki ta un mancha riba reputacion di Aruba. “Mi no ni kier a bin ‘kinan mas. E unico motibo cu mi a bin ta pa scucha e caso.”

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Nos a custumbra biba... Cu sobrepeso y obesidad...?

Pa dramático cu e anuncio reciente di resultado di e encuesta encunto nos estado di salud por ta, nos ta duda cu e lo tin tanto impacto den comunidad. Esaki pasobra nos tin e impresion cu durante e hopi añanan cu nos ta lidia cu e problema aki, ta parce cu hende en general ta cumenza acepta e situacion di sobrepeso y obesidad, como algo cu simplemente t'ey. Nos no ta bisa cu e ta motibo pa acepta esaki, sigur no for di banda di esnan responsable pa maneho di salud y bienestar general di comunidad. Sin embargo, tumando na consideracion cu e situacion, cu a empeora compara cu anterior investigacionnan, e mero actitud di no mira e situacion como algo peligroso ta haci combati esaki extra difícil. Y esaki tin su consecuencia pa e forma con ta bay actua pa mehora e situacion.

Pa evalua e actual situacion ta importante pa conoce e situacion di anterior investigacion, pa por compara cuanto cambio, negativo o positivo, tabatin den cuanto tempo. Pa esey ta logico pa bolbe na e Steps 2006, pa haci un comparacion inicial. Nos ta bisa inicial pasobra nos no ta dispone ainda di e informe Steps 2023 pa haci un comparacion mas amplio. En todo caso por compara e cifranan general cu a presenta awor pa 2023, esta cu 78% di e poblacion ta categoriza como 'sobrepeso', di cual 48% ta hasta den categoria 'obeso'. E cifranan di 2006 ta duna di conoce cu 36,2% tin 'sobrepeso' y 40,8% ta considera 'obeso'. Hunto ta duna 77% cu tin sobrepeso o ta obeso. Si nos ta interpreta e cifranan corectamente, lo tabatin anto un aumento bastante fuerte di e categoria 'obeso', te casi 50%, mientras en total e grupo combina a subi modestamente di 77% te 78%.

E relato actual duna pa gobierno di Aruba no a brinda mas detaye pa por compara cu Steps 2006, pero nos ta duna algun detaye pa loke ta e comparacion muher/homber. Na 2006 obesidad tabata mas un problema masculino (46,7%) y algo mas modera cerca hende muher (36,3%). E average general actual (48%) di 2023 ta mas halto cu e cifra pa 2006 pa hende homber (46,7%), aunke nos ainda no por sa cuanto e aumento pa cada genero a contribui na esaki. Por ta cu e cifra relativamente mas abao pa hende muher na 2006 (36,3%) a subi considerablemente, pero tambe ta posible cu e cifra pa hende homber a subi mas ainda, pasando 50%. Nos lo keda pendiente pa haya e informe completo pa por haci nos analisis riba esaki.

Urgencia di e situacion actual

En general e unico conclusion cu por saca di e situacion actual, unda casi mitar di e poblacion ta obeso, ta cu ta inaceptable perde mas tempo. E consecuencianan di e crisis di salud aki, nos ta yam'e asina, ta grave y no solamente den sentido financiero. Segun nos opinion esaki ta exige

un cambio di e actual maneho gubernamental. E consideracion principal pa esey ta cu e maneho actual ta parce insuficiente pa realmente haci un diferencia. Loke ta realmente primordial ta pa nos pais defini su propio rumbo pa ataca e peligran di salud nos dilanti, ya cu si nos tira un vista riba e metanan di desaroyo sostenible (SDG) pa 2030 di Nacionnan Uni, tin hopi enfasis riba asunto cu cerca nos no ta tanto un problema, pasobra nos tin un sistema bastante bon y desaroya di cuido di salud, unda enfermedad contagioso solamente temporalmente ta afecta nos, manera e crisis di Covid-19. E peligro pa nos ta bin di enfermedad no transmisible cu ta relaciona cu mal habito di nutricion y bida sedentario, cu tin efecto grandi cu presencia di diabetes, presion halto, enfermedad cardiaco y cancer.

Awor, ta facil pa bisa esaki pero si tin algo difícil pa cambia ta custumber di kico ta come. E cultura di poco atencion pa suficiente fruta y berdura ta bastante general, tambe entre hende cu tin suficiente recurso pa paga e cuminda – caro – aki. Esaki ta conta mas ainda pa persona cu no tin tanto entrada. Mundialmente ta visible e efecto di mal nutricion, no di insuficiente nutricion, sino un mal dieta cu exceso di vet y sucu cu ta contribui na e situacion di obesidad generaliza manera e ta presente awor. Di tur manera lo mester busca un solucion pa e realidad cu di un banda por trata di educa hende pa come mas berdura y fruta, pero con ta haci si un grupo grandi simplemente no por afford e productonan aki? Esaki no ta un problema di nos so, sino di hopi pais; hende cu insuficiente entrada ta come malo.

Solucion pa e problema urgente aki, cu ta pone hopi presion riba costo di nos sistema di salud, lo mester bin di varios banda. No ta suficiente pa conta solamente cu informacion na publico, pero combina esaki cu por ehemplo introduccion general di cuminda na scol, cu enfasis pisa riba bon alimentacion. Mester ta posible di cumenza educa e hobennan, ya cu penetra den e hogarnan pa cambia custumber di come ta resulta hopi difícil. Tambe ta importante pa henter sector di salud reprograma nan mes. Experiencia di hopi persona ta cu hasta docter y especialista ta masha limita den nan conseho y recomendacion di bon alimentacion, mientras cu nan ta haya pa trata e consecuencianan devastador di mal nutricion.

Finalmente, nos no por acepta obesidad como un realidad di bida, pasobra e ta mata... Algun dia nos tur ta bay, pero nos mester por tin un bida mas placentero sin e consecuencianan di mal habito nutricional.

Joost Meijs a traspasa presidencia di Dutch Caribbean Cooperation of Airports pa Jonny Andersen

Mirando cu Joost Meijs lo bandona su funcion como CEO di Aruba Airport Authority N.V. durante zomer di aña 2024, e seis aeropuertonan di Caribe Hulandes a apunta Jonny Andersen, CEO di Curaçao Airport Partners N.V., como e siguiente presidente di Dutch Caribbean Cooperation of Airports (DCCA). A tuma e decision aki basa riba unanimidad durante e reunion colectivo di DCCA cu a tuma luga dia 11 di maart 2024. Joost Meijs tabata presidente desde e inicio di DCCA na aña 2021.

Desde su inicio, e seis aeropuertonan di Caribe Hulandes ta cooperando mas intensamente mediante intercambio di conocimiento, realisacion

di inspeccion di seguridad y colaboracion estrecho cu demas stakeholder p'asina mehora e conexion (accesibel, eficiente y sostenibel) entre e islanan di Caribe Hulandes. DCCA ta fungi como un punto di contacto central den Caribe Hulandes p'e stakeholdernan importante den e industria di aviacion. DCCA su intencion ta pa mehora e conexion entre e islanan y ta considera cu Caribe Hulandes ta posiciona perfectamente pa bira un lider mundial den tur e maneranan sostenibel di biaha.

Cada aña DCCA, cu sosten di e aeropuerto anfitrión, ta organisa e conferencia "A Flight to the Future"; na aña 2022 a organisa e conferencia aki pa prome biaha na Aruba. Durante e prome edicion, e

promue avion electrico a lanta vuelo rumbo p'e espacio aereo di Caribe. Na aña 2023, Aeropuerto di Corsou, a sigui cu ne y a organisa e di dos edicion di e conferencia cu un demostracion impresionante di drone. Riba 18 y 19 di november di e aña aki lo por conta cu e di tres edicion cu lo tuma luga na St. Maarten. Durante e conferencianan aki, henter e ecosistema di aviacion den Caribe Hulandes ta reuni pa combersa riba ambicion, tema actual y tendencia nobo como tambe innovacion den e industria di aviacion (regional).

Joost Meijs, presidente saliente, a comenta cu: "Mi kier gradici mi coleganan, e directornan ehecutivo di e seis islanan y demas stakeholder pa e colaboracion durante e ul-

**DOW****Atencion: Cambio di Ruta****📍 Mainstreet San Nicolas**

Entrante dialuna 27 di mei 2024, lo cuminsa cu e fase 2 di e proyecto Revitalisacion di Mainstreet San Nicolas.

E trabounan lo tuma lugar entre White Star pa Charlie's Bar y Paulus Potterstraat.

E duracion de Mainstreet San Nicolas lo dura 50 dia di trabou. E desviacion lo ser indica cu borchis y baricada di trafico.



DOW ta hasi un peticion na tur peaton y manehado di auto pa tene cuenta cu e trabounan cu ta tuma luga. Pa cual nos ta pidi tur automobilista, negoshinan y otro usuarioan comprension y disculpa pa cualkier inconveniencia cu e trabounan por ocasiona.

timo añanan. Ta fantastico pa mira y entretene tur e ambicionnan cu e aeropuertonan tin, y mi ta sigur cu mediante un colaboracion habri nos lo por hiba e sector di aeropuerto den Caribe Hulandes na halturanan nobo. Jonny Andersen ta un profesional den aviacion internacional y mi tin tur e confiansa di mundo cu e lo lidera DCCA cu entusiasmo, energia y cu e nivel di mas halto di profesionalismo".

Jonny Andersen, e presidente nobo, a expresa su mas sincero gradicimento na Joost Meijs pa su liderazgo yena cu vision y destaca pa Dutch Caribbean Cooperation of Airports (DCCA). Bou liderazgo di Joost Meijs, DCCA a converti den un bos pa e aeropuertonan Hulandes den Caribe, representando e interes comun di e seis aeropuertonan n'e gobiernonan, comunidad insular, e aerolineanan asocia y demas stakeholder.

"Na nomber di e seis aeropuertonan Hulandes den Caribe, mi kier gradici Joost pa uni nos y pa su liderazgo visionario", asina Andersen

a expresa. "Ta realmente un honor pa asumi e rol como presidente di DCCA y mi ta comprometi pa continua cu e trabou cu Joost y e seis aeropuertonan di DCCA a inicia. Hunto, nos lo desaroya e sector di aviacion di Caribe Hulandes ainda mas, mehorando su seguridad, conexion, facilidad pa biaha, sostenibilidad y relevancia den e region."

"Conexion aereo, accesibilidad y facilidad pa biaha entre e islanan di Caribe Hulandes lo ta den mi prioridadnan principal durante mi mandato como presidente di DCCA. Actualmente, hopi persona ta hay'e demasiado caro y ta rekeri hopi tempo pa biaha entre e islanan y tin biaha e ta tuma mita dia pa biaha entre e islanan ruman. Esaki ta un preocupacion importante. Nos mester logra p'e biahenan aereo bolbe bira un opcion factibel pa nos comunidad. Como sector, nos mester haci lo necesario p'e biahenan entre e islanan ta mas factibel, accesibel y conveniente na beneficio di tur esnan den Caribe Hulandes. Como presidente di DCCA, mi meta ta pa haci esaki un realidad".

Trahando riba un futuro medico solido entre islanan den region

Union entre Aruba y Corsou pa realisa un operacion di pulmon na Aruba

Recientemente na Horacio Oduber Hospital (HOH) tabatin un momento masha special unda ta mira sigur e cooperacion solido cu ta trahando riba dje ya pa algun tempo entre e diferente islanan den Caribe Hulandes y region. HOH a invita un ciruhano for di Corsou pa un operacion specifico riba nos isla.



Dokter Yuri Casseres, ciruhano general, a comenta cu a invita dokter Nicole Boye, ciruhano di pulmon y colorectal, pa asisti den un operacion complica na nos Hospital. Dokter Casseres a splica cu e tipo di operacionnan asina ta bon pa haci den cooperacion entre ciruhano mirando e complehidad. Y sigur e pashent su bienestar na prome luga mirando cu e no mester a bay den exterior pero por a keda Aruba den compania di su famia.

Union ta forsa
E colaboracion cu HOH tin den region cu e diferente organisacionnan den cuida esta Dutch Caribbean Hospital

Alliance (DCHA) tin como meta pa garantisar y eleva cuida specialisa den futuro y coordina y optimalisa calidad y disponibilidad di cuida specialisa.

Dr. Casseres a indica cu e tabata un asina yama 'kijkoperatie' caminda a saca un pida di e pulmon p'asina e pashent por hala rosea miho. Esaki tabata e prome biaha, pues na Aruba, cu ta haci e tipo di operacion aki caminda ta reduci e volumen di e pulmon via un "kijkoperatie". E ciruhano di pulmon y colorectal, esta dr. Boyé a expresa di ta masha contento cu e cooperacion aki. Trahando hunto, specialmente cooperacion entre e islanan sigur lo por hisa e

nivel di cuida pa loke ta trata pulmon y mucho mas.

Dr. Boyé

Dr. Boyé a expresa cu el a sinti su mes "bonbini" na Aruba y a disfruta e cooperacion y traha hunto cu dr. Casseres. Coleganan sigur a dun'e e sentimento di cas na HOH. Ademá el a expresa cu e por a conta cu tur e materialnan

necesario pa eherce e operacion di un manera exitoso mirando cu HOH tabatin tur loke e mester "den cas".

E operacion riba su mes a bay mas lihe di loke nan a spera. Dr. Casseres a indica cu el a siña algun tecnica nobo for di dokter Boyé cu e por sigui eherce durante su operacionnan na HOH.

Cooperacion entre islanan ta keda un reto, pero ta e pasonan aki, aunke chikito, ta haci finalmente un impacto grandi. Dr. Boyé y dr. Casseres ta demostra cu intercambio di conocimiento tin un impacto positivo y den e caso specifico aki ta yuda amplia cuida na Aruba.

Profesionalnan di DVG ta presenta mas data di encuesta STEPS2023

Diabierna tardi profesionalnan di DVG a duna presentacion di e resultadonan di e encuesta STEPS2023. E investigacion aki tabata bou encargo di Departamento di Salud Publico (DVG) y supervisa pa Pan American Health Organisation (PAHO). Un total di 5,120 hogar a keda selecciona, di cual 53% a participa. DVG a finalisa e reporte y e analisis di e data haci conhunto cu PAHO y CBS Aruba.

Algun dato cu sigur a impacta ta:

- 78% di nos poblacion tin sobrepeso, di cual casi mita esta un 46% ta sufrir di obesidad.
- 24% di nos poblacion ta sufrir di high blood pressure, di cual un 9% ta hobennan entre 18-29 aña di edad.
- 38% di e populacion ta na riesgo pa haya un malesa cronico.

E cifranan aki di nos comunidad, ta representa un reto significativo pa salud y bienestar di Aruba su poblacion. Sinembargo, cu esfuersonan conhunto y accion colectivo, esaki ta un reto cu lo por ser supera.

For di encuesta tambe a sali informacion cu Aruba su poblacion ta uno cu ta consumi alcohol excesivo, maske cu nos poblacion no ta uno cu ta huma hopi, e uso di vape ta creciendo bou di nos hobennan. Nos comunidad no ta come suficiente fruta y/of berdura conforme World Health Organization (WHO) su criterio.

Ministerio di Salud Publico hunto cu DVG ta implementando strategianan comprensivo cu ta trata e causanan fundamental di obesidad y ta duna poder na individuronan pa tuma decisionnan pa un bida mas saludabel.

PROGRAMA FORUM DI TELEARUBA TRAFICO SIGUR

ROTONDE

FAHA DI SIGURIDAD Y KEURING DI AUTO

ALCOHOL DEN TRAFICO

Diamars, 28 di Mei 2024
8:30 pm - 9:30 pm
Transmision Live riba Facebook

www.traficosigur.aw





Agencia di educacion a discrimina contra studiantenan etnicamente diverso

(NLTimes) - Un estudio independiente nobo tocante discriminacion contra studiantenan etnicamente diverso pa DUO durante control di fraude a haya cu e agencia di educacion su faboritismo a afecta mas estudiante di loke a muestra den e prome investigacion.

Un cantidad masivo di 86 porciento di e studiantenan cu a entrega un keho tocante

e evaluacionnan di fraude aki tabatin un nacionalidad cu ta mas cu Hulandes so, e agencia di educacion a bisa diaran-son.

Den maart, Minister Dijkgraaf di educacion a informa Parlamento cu studiantenan cu ta etnicamente diverso ta sobrerrepresenta den DUO su evaluacionnan pa fraude riba su prestamo na studiantenan cu ta biba leu for di cas. E estudio di PriceaterhouseCooper a yega

e conclusion aki. El a pidi dispensa di parti di e gabinete y a anuncia cu lo sigui cu un investigacion.

Algorithm Audit a haci e investigacion. El a conecta data di Statistics Netherlands (CBS) tocante e estudiante su historia cu data di DUO tocante studiantenan cu ta ricibi ayudo pa no biba cu nan mayor y e evaluacion di fraude haci riba esaki.



El a mira cu studiantenan cu no tin un historia Europeo ta hopi representa den tur paso di e proceso di control pa fraude. “E distorsion ta hopi mas fuerte di loke a pensa

basa riba PwC su investigacion,” DUO a bisa. “E observacionnan lamentabel aki ta un biaha mas laga na cla cu nos mester y lo haci nos proceso di evaluacion diferente.”

Autoridadnan di supervision contra labamento di placa ta formalisa nan colaboracion

(CuracaoChronicle) - Centrale Bank van Curacao en Sint Maarten (CBCS), Gaming Control Board (GCB) y Financial Intelligence Unit (FIU) di Corsou lo sigui nan compromiso den e lucha contra labamento di placa y financiamiento di terrorismo y proliferacion (AML/CFT/CFP). Pa formalisa nan colaboracion, riba dia 10 di mei 2024 nan a drenta un Multilateral Memorandum of Understanding (MMoU).

CBCS, GCB y FIU ta e autoridadnan di supervision responsabel pa segura cu e proveedornan di servicio cumpli cu e stipulacionnan den e ordenansa nacional pa transaccionnan inusual y e ordenansa nacional pa identificacion di clientenan ora di duna servicio. Conhuntamente, nan ta delinea e importancia di e cumplimiento cu standardnan relevante internacional cu a keda estableci pa Financial Action Task Force (FATF).

Cooperacion mutuo, con-



sulta y compartimento di informacion entre e autoridadnan lo sigui contribui na e ehecucion efectivo di nan

supervision y e funcionnan di inteligencia financiero y na final, contribui na e integridad di e sistema financiero na

Corsou.

E autoridadnan a keda di acuerdo pa formalisa e relacionnan existente y pa basa nan cooperacion den e veld di AML/CFT/CFP su supervision y funcionnan di inteligencia financiero riba e principianan y proceduranan delinea den e MMoU. E MMoU ta provee un cuadro pa cooperacion aumenta entre e autoridadnan a base di confianza mutuo y comprension.

Gruponan ta haci yamado pa empoderacion di pashent den Corsou su sistema di cuido di salud

(CuracaoChronicle) - Den un intento pa fortalece e derechonan y pashent y participacion den e decisionnan di cuido di salud, yamadonan pa e

implementacion di e legislacion otorgando pashentnan un bos durante e tratamentonan medico a surgi na Corsou.



E sentimento aki a ser replica durante un conferencia ricien organisa pa consejo di cliente di Curacao Medical Center (CMC), enfatisando e necesidad pa pashentnan por tin un bos cu ta nifica algo den nan aventura di cuido di salud.

Sandra La Croes-Virginia, un figura prominente dentro di e consejo, a enfatisa e im-

portancia di crea e ley7 aki, aliniando e ley cu e standard internacional di cuido centra riba e pashent. El a delinea e iniciativa aki y cu esaki no solamente ta sirbi e interes di e pashent sino tambe ta beneficia tur stakeholder cu ta involucra den e sistema di cuido di salud di e pais.

E conferencia a pone atencion riba e principio funda-

mental cu pashentnan mester hunga un rol activo den e decisionnan tocante nan salud y tratamiento. La Croes-Virginia a enfatisa cu pa medio di involucra pashent den e proceso di tuma decision, proveedornan di cuido di salud por crea tratamentonan miho pa necesidadnan individual, ultimamente yegando na resultadonan di cuido di salud mehora.



STATEN VAN ARUBA

OPENBARE BIJENKOMST OP 24 MEI 2024 OM 11:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

- Toelichting door de Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening, mw. mr. E. C. Wever-Croes, betreffende de stand van zaken met betrekking tot de onderhandelingen tussen Aruba en Nederland over de herfinanciering van de COVID-leningen.

De Griffier,

mr.drs. Herman Ch. J. Hek

Debate tocante coalicion nobo: Preocupacion tocante falta di igualdad y division social

(NLTimes) - Tweede Kamer, parti di parlamento Hulandes, lo debati tocante e coalicion nobo di PVV, VVD, NSC y BBB y nan plannan pa e añan binidero. Partidonan den oposicion ta critico di e recortenan plania y e falta di atencion na falta di igualdad social den e partidonan su “linea principal di acuerdo,” preocupacionnan cu a ser treci dilanti pa dos di e curpanan consehero di e gobierno su politica.

Hopi tiki atencion ta duna na coherencia social y combati falta di igualdad den e acuerdo di e coalicion nobo negocia pa e partidonan mencionan, segun e instituto Hulandes pa investigacion social SCP. E agencia di gobierno a bisa cu e enfasis ta princi-

palmente riba stimula trabao y seguridad social y mucho menos riba otro recursonan.

E agencia ta kere cu e motibo pa esaki ta cu personanan no por sobrevivir financieramente usualmente pa e motibonan aki. “E peliger ta e falta di igualdad structural entre e gruponan y personanan y e hecho cu esaki lo aumenta a causa di no atende e problema.”

E acuerdo ta primeramente trata e hendenan su necesidadnan basico, manera cuidio di salud accesibel, bon educacion y un aumento riba vivienda segun SCP. E enfoque tambe ta primeramente riba e personanan Hulandes cu tin empleo. E agencia ta spera cu e medidanan general lo beneficia tur hende na lugan di ciudadanonan den situacionnan



vulnerabel.

Segun e agencia, no a duna suficiente atencion na fortalece e solidaridad social. “Aunke pa un pais cu un sociedad diverso, e conexon entre e hendenan y solidaridad ta esencial,” SCP a agrega. “PRimeramente, pa preveni e lineanan den division cu ta surgi den sociedad for di bira demasiado great. Di dos, pa sigura cu tur hende por participa y tin oportunidadnan.”

E ta posibel cu e puntonan principal di e acuerdo di coalicion inclui plan pa combati discriminacion y garantiza mas seguridad, e agencia a agrega, notando tambe cu e acuerdo no ta menciona mejora hende su bienestar psicologico, “mientras kehonan psicologico specialmente den e hubentud a aumenta recientemente di mesun manera cu soledad den personanan di edad mayor.”

Tambe a lamenta e falta di menciona di e consecuenciap psicologico cu un politica di migracion mas estricto lo tin riba migrantenan. E puntonan principal di e acuerdo di coalicion ta conclui cu para e cantidad di migrantenan lo ta un factor positivo pa coherencia social na Hulanda, “pero esaki no necesariamente mester ta e caso,” SCP a agrega.

CPB a calcula cu e coalicion su plannan lo aumenta e poder di compra un poco y mejora e gobierno su finanzas un poco. Sinembargo tambe a enfatisa cu hopi di e plannan aki tin mester di elaboracion y cu e tin preocupacion tocante con legal y posibel algun di e recortenan den plan ta, incluyendo esun di e shelternan di asilo.

Hulanda ta para adopcion for di exterior cu efecto inmediato



(NLTimes) - Hulanda lo para adopcion for di exterior cu efecto inmediato. No lo acepta ni permiti mas aplicacion nobo pa adopta mucha for di exterior. Proceduranan actual por conclui, segun Minister Franc Weerwind di Proteccion Legal a anun-

cia den un carta na Parlamento, NU.nl a reporta.

Den comienso di ana 2021, e gobierno temporariamente a stop tur adopcion di exterior despues di un rapport critico tocante abusanan den e sistema. Muchanan ta ser hiba Hulanda ilegalmente,

e prome famianan ta ser obliga of manipula pa duna e muchanan den adopcion, y data tabata falsifica of incorrecto, segun e investigadonan a ripara.

Na fin di aña 2022, e gobierno a dicidi di permiti adopcion for di exterior atrobe, sinembargo solamente for di un cantidad di pais limita y suheta na condicionnan y controlnan estricto.

Luna pasa, Tweede Kamer, parti di e parlamento Hulandes, a pidi Gabinete pa traha riba un plan di “phasing-out” pa adopcionnan di exterior. Parlamentarionan cu a sostene e mocion a sinti cu e sistema ta demasiado vulner-

abel contra abuso.

Weerwind a conseha contra e mocion na mesun tempo pa motibo cu e tabata kier crea un sistema nobo cu organizacion central pa asina combati e abusanan di manera mas efectivo. Riba diamars, Weerwind a reporta cu e sistema nobo no lo tuma lugan mas y cu gobierno lo para adopcion di exterior completamente.

E gobierno Hulandes lo para esaki den fase durante e periodo binidero, segun Weerwind. E ta creando un plan pa haci esaki, y FIOM, e centro di experticio cu ta informa hende tocante adopcion, no lo acepta ningun registracion nobo pa adopta mucha for di

otro paisnan. E Minister lo trata e adopcionnan den progreso actual cu e paisnan di origen y con esaki lo por keda completa. E ta spera di por provee mas claridad tocante esaki den september.

Weerwind a admiti cu para adopcionnan for di exterior lo tin un impacto grandi riba e personanan involucra den e proceduranan di adopcion “ambos na Hulanda y den paisnan di origen, partnernan den e cadena di adopcion y tambe pa relacionnan internacional.” Tambe esaki lo afecta e legislacion y regulacion existente. Un ley di adopcion nobo lo ta necesario segun el a agrega.

Senado Hulandes ta aproba laga universidadnan limita estudiante pa cursonan den Ingles

(NLTimes) - Eerste Kamer, Senado Hulandes, a aproba un proposicion pa laga universidadnan limita e cantidad di estudiante cu nan acepta den e variante den idioma Ingles pa nan programanan bachelor. Parlamento anteriormente tambe a proba e plan aki pa limita e cantidad di estudiante internacional.

Solamente PvdD a vota contra e proposicion den Eerste

Kamer riba diamars. Aunke, segun NRC, e partido posiblemente tin obhecion na e Ministerio di Educacion su presupuesto en general, y no necesariamente e limite aki. E fraccion parlamentario di VVD a entrega e amienda legislativo na Higher Education Act cu e presupuesto, pues Senadornan no por haci un voto riba esaki por separa.

E medida tambe ta inclui den un ley cu Minister Robbert Dijkgraaf a entrega pa apro-

bacion di parlamento siman pasa. Su Internationalization in Balance Act ta contene varios manera den cual universidad por limita e cantidad di studentenan di fuera di Europa cu nan acepta. Dijkgraaf a bisa u e proposicion tin e intencion principal di hiba internacionalisacion den educacion mas halto den e direccion corecto, enfocando riba unda e pais talento y con pa mantene e studentenan.

E coalicion nobo di PVV,



VVD, NSC y BBB tin plan di varios medida pa limita esaki den universidad Hulandes, incluyendo tarificanan di scol

mas halto y mas restriccion riba beca pa estudiante cu ta pafu di e Union Europeo.

Guatemala den “situacion complica” pa 75 candela activo

(DW) – Presidente di Guatemala, Bernardo Arevalo de Leon, diamars ultimo a sigura cu e pais ta enfrenta un “situacion complica” cu 75 candela forestal cu ta activo, mayoria di nan ubica den parti nort di e teritorio.

“Nos ta enfrentando un situacion complica,” Arevalo de Leon a señala den un conferencia di prensa na instalacion di Coordinador Nacional Pa Reduccion di Desaster (Conred) conhuntamente cu Defensa Nacional y de Gobernacion na sur di Ciudad di Guatemala.

“Nos ta enfrentando e situacion aki cu tur recursonan institucional posibel,” cu “diferente entidad y mobilizando



recursonan humano y tecnico pa paga e candela, aunke cu adversidad,” e gobernante a splica.

Entre nan, el a bisa cu ta oposicion di Congreso pa valida un estado di Calamidad cu a otorga fondonan extra pa Gobierno por atende e emergencia. Como consecuencia, “a genera un multiplicacion den e number di siniestro den temporada

aki,” di candela forestal di 2024 y cu por perhudica e poblacion,” el a sigura.

Di acuerdo cu Conred, actualmente ta existi 75 candela activo, 44 di nan na departamento di Peten, 500 kilometer na nort di e capital.

Instituto Nacional di Sis-mologia, Vulcanologia, Meteorologia y Hidrologia (Insivumeh) ayera diaranson a emiti un alerta “pa calidad di aire extremadamente malo” na Ciudad di Guatemala, segun e corant local prensa Libre a informa.

Mientras tanto, scolnan a



anuncia e suspension di nan actividadnan den aire liber for di diaranson ultimo na tur centro escolar tanto publico como priva y a laga na criterio di mayornan uso di mondmask pa studiantenan.

Insivumeh dialuna ultimo a expone un rapport na unda e indice di calidad di aire di e dia ey tabata den categoria mas halto di e clasificacion, kieren “peligroso” pa salud. Segun e mesun fuente, e categoria ey ta resalta cu “calidad di aire por ser considera como condicion di emergencia” a indica cu di mesun forma “tur e poblacion tin probabilidad di

ta afecta.” Di acuerdo cu fuentenan estatal, e origen di e contaminacion ta pa varios candela local, pero ademas regional, ya cu Honduras tambe ta afecta pa e mesun situacion.

Arevalo de Leon tambe a bisa cu ainda cu no a haya politica apropiada di gobiernonan anterior pa e tipo di emergencia aki, “e crisis actual ta sirbiendo, ademas, pa haya e les necesario cu ta bay permiti cu Conred ta bay prepara adecuadamente pa genera hopi mas miho condicionnan den un situacion similar den temporada di candela pa proximo aña.”



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 28 juni 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

Een woonhuis plaatselijk bekend als

WAYACA 365

staande op een perceel eigendomsgrond ter grootte van ongeveer zevenhonderd zeven en twintig vierkante meter (± 727 m²), gelegen te Wayaca in Aruba, welk perceel afkomstig is van het moederperceel kadastraal bekend als Eerste Afdeling Sectie T nummer 40, thans bekend met index nummer D4276.

Inzetprijs: Afl. 1.462.000,00

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 13 juni 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com

Het biedingsformulier is zowel op het kantoor van Newleaf Notary alsmede op de website www.newleafaruba.com verkrijgbaar.

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden Voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Mexico: Autoridadnan a reporta 19 morto asocia cu ola di calor

(CNN) – Entre 5 y 11 di mei a registra 19 morto na Mexico atribui na e di dos ola di calor, asina como tambe 333 caso di daño pa salud di e poblacion, segun Secretaria di Salud a informa den su rapport semanal di vigilancia epidemiologico mas reciente.

E rapport a destaca cu, den ultimo 24 ora di e periodo registra, e temperatura maximo na Coahuila, na nort di Mexico, tabata di 45.9 grado Celsius.

84.2% di e fayecido ta core-sponde na “golpi di calor” y a tuma luga na Nuevo Leon, Sonora, Tamaulipas, San Luis Potosi y Veracruz, di acuerdo cu e rapport.

Ocho di e fayecido a ser registra dia 9 di mei, e dia ey, Servicio Meteorologico Nacional a pronostica temperaturanan maximo superior na 45 grado Celsius pa Campeche, Chiapas, Guerrero, norte de Hidalgo, Michoacan, Nuevo Leon, Oaxaca, San Luis Potosi, Tabasco, Tamaulipas, Veracruz y Yucatan.

E rapport di e siman di 28 di april te cu 4 di mei a registra tres fayecido asocia cu temperatura natural extremo.



Secretaria di Salud a destaca cu mester considera e informacion como “preliminar, ya cu ta suheto na cambianan.”

Di acuerdo cu Servicio Meteorologico Nacional (SMN) di Comision Nacional di Awa (Conagua), ta pronostica cinco ola di calor entre maart y juli 2024.

E prome a cuminsa dia 13 di april te cu 21 di april y esun di dos for di 5 di mei te cu 11 di mei, den ambos periodo, di april y mei, a notifica 670 caso acumula y asocia na temperatura natural extremo caminda Tabasco ta e entidad cu e demanda mayor pa servicio di atencion y urgencia medico.

Secretaria di Salud y SNM ta continua monitoriando e situacion y a emiti recomendacionnan na e poblacion pa preveni mas casonan di golpi di calor y deshidratacion den proximo olanan di calor pro-

nostica. Tambe, autoridadnan ta investigando e morto di un decena di ‘howler monkey’ cu ta considera como un especie den extincion, segun Secretaria di Medio Ambiente a informa den un comunicado, e temperaturanan halto cu ta afectando gran parti di e pais ta e causa di mas probabel di e hechonan aki. “Te awor, nos tin varios hipotesis,” e nota te menciona y tambe ta indica e causanan manera “golpi di calor, deshidratacion, desnutricion of fumigacion cu toxiconan.”

Presidente di Mexico, Andres Manuel Lopez Obrador a bisa cu su Gobierno ta bay yuda un veterinario cu ta atendiendo un dozijn di macaco deshidrata cu varios ciudadanonan a hiba. Por lo menos 80 macaco a cay flauw for di palonan for di comienso di e luna aki, aunke autoridadnan no a ofrece un conteo oficial.

Haiti ta prepara pa yegada di forsa multinacional di apoyo pa seguridad

(DiarioLibre) – Autoridad- y forsanan di seguridad Haitiano ta prepara pa yegada di e forsa multinacional di apoyo pa seguridad na Haiti, cu tin como meta caba cu e violencia di gruponan arma, mientras material ta sigui yega pa enfrenta e gruponan riba cayanan di e pais.

Den e contexto aki, Consejo Presidencial di Transicion a celebra diamars ultimo un sesion di trabao cu e representanten mayor di Polis Nacional di Haiti (PNH), cu na tur momento ta bay lidera e accionnan, pa debati e inicio di e mision multinacional.

“Haiti, a traves di Polis Nacional Haitiano, ta bay tin control general di e operacionnan di e mision ariba e tereno,” e Consejo a anuncia den un nota publica diamars ultimo ariba su pagina di Facebook.

“Tur cos, for di e composicion, obhetivo, regla di enfrentamento y control sani-



tario di e trupanen ta bay wordo coordina y supervisa pa autoridadnan policial Haitiano,” e nota ta sigui indica, cu ta certifica cu e mision multinacional crea pa resolucion 2699 di Consejo di Seguridad di ONU mester ta desplega na Haiti prome cu fin di e luna aki.

Dialuna ultimo un delegacion di Kenya a yega Port-au-Prince pa prepara e des-

pliegue di e forsa multinacional di apoyo pa seguridad cu e efectivonan di e pais ey ta bay lidera, un yegada cu ta tuma luga algun dia despues cu Consejo Presidencial di Transicion a manda un carta pa autoridadnan di e pais Africano.

E delegacion ta consisti di funcionarionan di Kenya, entre nan e comandante di forsa di e mision multinacional, cu

ta encarga cu evaluacion di e obranan di construccion di e base unda e forsa ta bay ta estaciona y ta premira cu den proximo simannan e otro delegacionnan ta yega.

Den ultimo simannan na Haiti tambe a yega material pa e lucha contra e gruponan arma, incluyendo 10 vehiculo di seguridad di gobierno Mericano, dentro di e proceso di refuerzo di e capaci-

dad cooperativo pa stop inseguridad.

Mientras tanto, segun e anuncio di dialuna di Consejo Presidencial di Transicion, ta bay tuma luga un campaña di limpieza den e area metropolitana di e capital, cu ta tambalia bao sushedad, señal di e falta di autoridad na e pais.

Segun e autoridadnan, e proyecto aki ta pretende di crea un clima politico favorable pa asina e gobierno nobo, cu ta eligiendo su prome minister actualmente, por tuma cargo di e administracion publico.

E proyecto di limpieza ta pretende tambe di crea 2.500 empleo directo y alrededor di 10 mil indirecto, como tambe proteha e salud di e habitantenan di e capital contra e proliferacion di microbionan y djacanan cu ta carga tur tipo di enfermedadnan como consecuencia di e acumulacion di sushi ariba e camindanan publico.

Republica Dominicana: OEA ta wak mehoracion significativo den eleccion, pero ta señala cumpramento di voto

(DiarioLibre) – Organizacion di Estadonan Americano (OEA) a afirma diamars ultimo cu durante celebracion di eleccion presidencial y di congreso diadomingo ultimo tabatin mehoracion significativo compara cu e eleccion municipal cu a tuma luga den luna di februari, pero a adverti cu nan a observa un biaha mas e cumpramento di votonan di parti di e forsanan politico den diferente luga di votacion.

Den un documento emiti pa e Mision di Observacion Electoral (MOE) di OEA cu a duna siguimento den e tereno na e eleccionnan Dominicanas, y cu e ex presidente di Chile, Eduardo Frei, a lidera, ta establece cu e mester ta un compromiso di tur e actornan di e proceso, sigui desaroja accion- y politicanan cu ta permiti combati y exterminar e situacion aki.

MOE a reconoce e trabao di e Junta Central Electoral (JCE), organismo respon-



sable di e organizacion y celebracion di e eleccionnan, y a opina cu e organo Dominicano a asumí un compromiso door di implementa e recomendacionnan di OEA formula despues di e eleccionnan municipal di luna di februari, como tambe pa e predisposicion cu el a ofrece na e solicitudnan di tur e partidonan politico.

E Mision a formula un serie di recomendacion na e JCE y na e actornan di e sistema cu e obhetivo di mehora e celebracion di e eleccion.

Entre esakinan ta inclui extende e testnan di carga y stress na e funcionalidad di e sistema digital electoral relaciona na e liberacion di bole-

tinnan den e huntanan electoral, cu e meta di evita e desaceleracion observa entre e recepcion central di e actanan y e liberacion di e boletinnan di parti di huntanan.

Di mesun manera, inicia cu e divulgacion di resultadonan na e pueblo via website na mesun momento cu ta cuminsa e acceso di medianan di

comunicacion y partidonan politico, cu e obhetivo di no genera e percepcion cu e publicacion di resultadonan online ta falso.

Nan a sugeri tambe pa diseñar carchinan di votacion di diferente color pa cada nivel di votacion y cu dicho color mester corresponde cu e urna na unda cada carchi mester wordo deposita. Den e orden ey, realiza test y revisionnan pa comproba cu e color of cantidad di inkt di e carchinan di votacion of di e marcanan no ta genera inconveniente na momento di eherce voto.

OEA a referi na cu e garantianan pa equidad den e eleccionnan, faboreci pa e acceso na financiamiento publico, entre otro factornan, mester wordo compaña pa e cumplimiento estricto di e obligacionnan di transparencia y rindimento di cuenta di parti di e organizacionnan politico y candidaturanan.

Matthew Perry su fayecimento ta bao investigacion en conexion cu nivelnan di ketamina haya den su sanger



(AP) - Autoridadnan a habri un investigacion tocante con Matthew Perry a ricibi e ketamina cu a causa su fayecimento segun polis a informa diamars.

Los Angeles Police ta trahando cu U.S Drug enforcement Administration y U.S Postal Inspection Office cu un investigacion tocante e motibo dicon e actor di 54 aña di “Friends” tabatin asina hopi di e droga den su sistema, LAPD Capt. Scot Williams a bisa den un email.

Un asistent a haya Perry cabes abao den su ‘hot tub’ dia 28 di

october y paramediconan cu a ser yama inmediatamente a declara su persona fayeci. Su autopsia, publica den december, a haya un cantidad sumamente grandi di ketamina den su sanger, un cantidad cu ta den e rango di loke ta ser usa pa anestesia general durante un operacion. Esaki a ser nombra e causa primario pa su fayecimento, cual a ser declara un accident sin sospecha di violencia, e rapport a bisa.

Hoga y otro problemanan medico tabata factornan cu a contribui segun e coronel.

Personanan cercano na e actor a bisa e coronel su investigadornan cu e tabata pasando door di terapia di infusion di ketamina. E medicamento di operacion aki a mira un aumento grandi den añanan recien pa cu su uso pa trata

depresion, ansiedad y dolor.

Sin embargo e examinador a bisa cu Perry su ultimo tratamiento un siman y mey prome no ta splica e nivelan di ketamina den su sanger. E droga tipicamente ta metabolisa den algun oranan. Por lo menos 2 dokter tabata tratando Perry, un psiquiatra y un anestesioologo cu ta su dokter di cuido primario, e rapport a bisa. Ningun droga ilicito ni cosnan similar a ser haya na su cas.

Perry tabatin añanan di lucha cu adiccion te cu su tempo riba “Friends,” ora cu el a bira un di e streanan di television mas grandi di su generacion como Chandler Bing, conhuntamente cu Jennifer Aniston, Courteney Cox, Lisa Kudrow, Matt LeBlanc y David Schwimmer pa 10 temporada for di 1994 te cu aña 2004

riba NBC su megahit.

Fayecimento di celebridadnan relaciona cu droga den otro casonan a causa cu autoridadnan a persigui e personanan cu a provee e droga.

Despues cu rapper Mac Miller a fayece di un sobredosis di cocaína, alcohol y oxycodone falso cu tabata contene fentanyl, dos di e hombernan cu a provee e difunto cu e droga a ser condena pa distribucion di e droga. Un a keda sentencia na mas di 17 aña den prizon federal y e otro cu 10 aña.

Dos dokter y un manager di Anna Nicole Smith a ser acusa

di conspiracion pa provee droga prome cu su fayecimento den aña 2007, sin embargo nan no a ser acusa di a causa su sobredosis fatal. Tur e acusacionnan cu excepcion di un pa fraude contra un dokter a keda eventualmente retira.

Despues cu Michael Jackson a fayece den aña 2009 a causa di un dosis letal di propofol, un droga cu e intencion di uso pa solamente durante operacion y otro proceduranan medico, y no pa e insomnia pa cual e cantante a busca esaki, su dokter, Conrad Murray, a ser acusa di asesinato imboluntario den aña 2011.

Scarlett Johansson ta bisa cu un bos di ChatGPT ta “demasiado similar” na esun di dje y OpenAI ta parando su uso

(AP) - Riba dialuna OpenAI a bisa cu e tin plan di para e uso di un di su bosnan di ChatGPT cu e actor di “Her” ta bisa ta demasiado similar na esun di dje.

rabia y no por a kere Mr. Altman lo persigui un bos cu ta asina cercano na esun dimi cu mi amistadnan mas cercano y noticieronan no por a saca afo e diferencia,” Johansson a bisa.

Den un publicacion riba rednan social, OpenAI a bisa cu “nan ta trahando riba pausa” Sky, e nomber di un di e 5 bos cu usuarianan di ChatGPT por usa pa papia cune. E compania a bisa cu el a tende preguntanan tocante “con nan ta scoge e opcionnan di audio disponibel pa e chatbot di inteligencia artificial, particularmente Sky, y kier atende cu nan.”

Entre esunnan cu e preguntanan, ta joansson, ken a duna bos na un asistent di AI ficticio pero alabes futuristico den e pelicula di aña 2013 “Her.”

Johansson a emiti un declaracion bisando cu CEO di OpenAI a acerca su persona den september puntrando si e lo fia su bos pa e sistema, bisando cu e ta sinti cu e lo ta “un comfort pa hende” cu te ainda no ta confortabel cu e tecnologia. El a bisa cu el a rechasa e oferta.

“Ora mi a tende e demo publica, mi tabata den shock, cu

El a bisa cu OpenAI dudosamente a keda di acuerdo pa para e uso di Sky despues cu el a contrata abogadoan cu a skirbi carta na Altman unda a puntra tocante e proceso cu cual e compania a crea e bos.

OpenAI a cuminsa desmenti internet su teorlanan tocante Johansson den un publicacion cu su anuncio, cu e meta di detaya con ChatGPT su bosnan ta ser scogi. E compania a skirbi cu e ta kere cu bosnan di AI no mester “deliberadamente imita un celebridad su bos” y cu e bos di Sky ta “di otro actris profesional.” Pero a agrega cu e no por comparti e nomber di e actris aki pa motibonan di privacidad.

“E bos di Sky no ta di Scarlett Johansson ni tampoco tabata e intencion pa nan ta similar,” Altman a bisa. “Pa e respet cu nos tin pa Sra. Johansson, nos a pausa e uso di Sky su bos den nos productonan. Nos ta pidi despensa na Sra. Johansson cu nos no a comunica di miho manera.”

SEGURA BO CAS!

y ricibi un smoke detector Gratis.

YOU CHOOSE!

BASIC

Opta pa e seguro BASIC cu e prima mas competitivo!

FLEXIBLE

Descubri mas posibilidad cu e seguro FLEXIBLE!

IDEAL

Escoge pa e seguro mas completo pa cas cu IDEAL!

Pa mas informacion bishita www.ennia.insure of scan e QR code:

Feel secure!

Fits every home & budget!

Follow us:

Conseho Hubenil di 131 a bishita Formacion Social

Desde 2019, 131 a incorpora un Conseho Hubenil den e organisacion. E Conseho Hubenil di 131 su tarea ta pa primeramente duna conseho solicita y no solicita na e organisacion. Tambe nan ta duna conseho ariba proyectonan di 131, prome cu nan ser implementa. E Conseho Hubenil di 131 ta duna e organisacion un bista cu precision di kico ta tumando lugar bao di mucha y hoben y pakico.

E Conseho Hubenil ta consisti di 5 hoben, mucha muher y mucha homber, entre e edad nan di 11 pa 24 aña. E personal di 131 ta den contacto estrecho cu e Conseho Hubenil pa asina aki por scucha kico segun nan ta e preocupacionnan y problemanan bao di nos muchanan y hobennan.

Tambe e Conseho Hubenil ta ricibi diferente training for di 131 pa asina aki nan tin mas conocimiento tocante diferente sector y asina ekipa nan mihor. Pa duna nan mas conocimiento di e sector social, educacion y husticia, ta organisa diferente bishita na instancianan pa nan.

Ariba 8 di mei ultimo e Conseho Hubenil a haci un bishita na Formacion Social na Mariniers Kazerne Savaneta. Intencion di e bishita tawata pa e Conseho Hubenil di 131 por haya un bista di kico e hobennan cu ta participa na Formacion Social ta ricibi durante e temporada cu nan ta participa na e proyecto. Con e hobennan ta experiencia Formacion Social y kico nan a siña durante nan temporada den Formacion Social.

E Conseho Hubenil di 131 a ser ricibi pa e coordinadora, e trahador social, e grupo di hobennan femenino y e grupo di hobennan masculino. Primeramente e coordinadora a duna un presentacion tocante formacion social na e Conseho Hubenil. Despues e grupo di hobennan femenino y masculino a comparti nan experiencia di e proyecto cu e Conseho Hubenil. E Conseho Hubenil tambe a haya e oportunidad pa haci pregunta na e hobennan.

E Conseho Hubenil a keda masha contento di por a ricibi

bi informacion tocante Formacion Social. Tambe nan a keda impresionado di scucha di e hobennan con cambianan positivo a tuma lugar den nan bida despues di nan participacion na Formacion Social.

131 y e Conseho Hubenil di 131 kier a gradici Formacion

Social y e hobennan pa ricibinos y pa informacion comparti.

Pa mas informacion tocante e Conseho Hubenil di 131 por tuma contacto via nos website: 131.aw, Instagram: 131aruba, Facebook: https://www.facebook.com/



aruba.131, email: 131aruba@gmail.com of telefon 5886138/ 5884011.



TAKE OFF 3
+ CASH BACK 3
TA BEK PA TEMPO LIMITA



Un chens pa bo gana te cu
10% Cash Back
riba e balor di bo auto nobo.

- Tur deal aproba y firma lo haya 1% Cash Back riba e balor di e auto nobo.
- Alabes lo participa pa gana 10% di e balor di e auto nobo cu un maximo di Afl.10,000.00.
- 10 premio mas di cada un Afl. 500.00 pa The Movies at GLORIA.
- Un pago mensual cu ta fit den bo presupuesto.
- Aprobacion den 24 ora si ta cumpli cu tur rekisito y condicion.

Pidi bo agencia di auto preferi pa e "Take Off+Cash Back" deal di CMB.

Pa cualkier pregunta of pa haci un calculacion por favor tuma contact cu nos via nos Live Chat di eAmigo.



SCAN Y PRE-APLICA

*Ganadonan lo wordo anuncia dia 30 di augustus, 2024

Presta responsabel. E oferta aidi (Take Off+Cash Back) ta valido te cu 26 di juli, 2024 y ta exclusivamente pa clientenan cu tin un record di pago satisfactorio segun exhiencianan di Caribbean Mercantile Bank N.V. Clientenan cu aplica pa un prestamo personal pa financia un auto nobo ta bin na remarca pa un interes efectivo cu ta varia entre 7.94% p.a. y 6.32% p.a. pa sumanan entre minimo Afl. 50,000.00 te cu maximo Afl. 150,000.00 cu un termino pa paga bek di te cu 6 aña. Un cobranza pa seguro di bida di Afl. 10.00 pa cada luna y un gasto di administracion di Afl. 15.00 pa cada luna lo wordo aheidi automaticamente na bo prestamo. E premio grandi (10% Cash Back) tin un maximo di Afl.10,000.00. Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e tempo acorda. Den e caso di un periodo di preaviso por escrito di seis luna o menos: suma igual na 3 (tres) luna di interes, cu un minimo di Afl. 500.00 lo ta aplicabel. Tumando un periodo di preaviso di mas di seis luna: Afl. 500.00 lo ta aplicabel. Caribbean Mercantile Bank N.V. ta reserva e derecho di por cancela e promocion aidi na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Chat cu nos

cmbnv.com

f cmbnews @cmbnv bobancoamigo

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Gregorio Wolff

Palestina su lucha, Protestanan, Paz , Futuro di Palestina y Israel (Parti II)

Hamas ta sigui su lucha, Israel no tin mas opcion, estado Palestina ta bati na porta di ONU

Dos motibo pakico tabatin un inmigracion grandi di Hudiunan na Palestina

Prome, Europa tabata conoce un odio grandi contra Hudiunan despues di prome guerra mundial. E odio extremo tabata na Alemania y otro paisnan cu partidonan grandi pro-nazi y/o fascista. Hulanda tabatin e partido pro-nazi "NSB", cual tabata un partido hopi grandi.

Di dos ta e zionismo cual a ser rebiba dor di Theodor Hezl, un reportero Hudiu cu reisnan na Hungria y Austria y kende ta ser considera como e creador di e zionismo politico. Su grito tabata pa Hudiunan, specialmente esnan na Europa, kendenan tabata sufrí di un discriminacion fuerte, bay Palestina y yuda forma e estado Hudiu.

Un asunto cu nos no por lubida ta cu a traves di añanan despues di e II guerra mundial, no solamente Hudiunan y cristiannan tabata apoya Israel, pero tambe e Neo-liberalnan na Mundo. Zionismo na Palestina a bira un extension di imperialismo Occidente na Medio Oriente. Europa tabata conoce un antisemitismo y racismo fuerte contra Hudiunan. Pa Europa no tabata problema, den e caso cu zionismo ta colonisa un otro pais, Palestina y haci'e un estado Hudiu, igualito na loke e paisnan di Europa a haci na hopi parti di mundo, pues no tabatin problema ora zionismo actua a la Europeano.

Ademas e mudamento di Hudiunan for di Europa y manda nan Palestina aparentemente a soluciona grandemente e problema Hudiu na Europa. P'esey e apoyo di mayoria di paisnan di Union Europeo ta cu Israel. Un grupo grandi cu tambe ta apoya Israel ciegamente ta e iglesianan evangelista na mundo, usando profecianan di e Testament Bieu. E grupo aki ta creciendo na mundo e ultimo 30 pa 60 añanan. E



genocidio cometi door di Israel y bisto na henter mundo ta bay afecta e futuro apoyo na Israel. Mundo a bira hopi consciente.

Zionismo cu su Amalek

Zionismo ta un movimiento Hudiu ultra-derechista pa crea un estado Hudiu na Palestina. Zionismo a ser crea na Europa central y oriental, usando e religion Hudiu antiguo cu ta mara na profecianan di como 3 mil aña pasa y referiendo na e region di Palestina, specialmente un sero cu e number Zion. Zionista ta ser considera un movimiento ultra-derechista, hopi biaha cu tendencianan fascista, manera e actitud di e emigrantenan di Europa oriental na Israel kendenan no tin ningun respet pa ley cu no ta sali for di zionismo. Zionismo ta usa hopi ideanan di como 3 mil aña pasa, profecianan di e Testament Bieu, tempo cu mundo tabata conoci pa su barbaridadnan cu no tin ningun respet pa un ser humano cu tin otro pensamiento.

Un terminologia hopi usa ainda ta e grito Amalek saca for di e profecianan bieu. E pueblo Amalekites lo a ataca e Hudiunan ora nan a sali di Egipto y segun nan e mensahe divino=di Dios, Amalek, tabata pa elimina tur nan hombernan, muhernan, tambe nan muchanan y nan manadananan di bestia.

Cada biaha zionistanan extremo ta bisa corda bon kico

Amalek a haci cu e pueblo Hudiu y kico ta nifica e mensahe di Dios. E Amalekites no ta existi mas, pero cerca e zionistanan extremo a keda den nan memoria e presencia di un enemigo falso cu ta sigui biba den e formanan di antisemitismo contra e pueblo Hudiu. Nan ta sigui kere den e mensahe divino.

Awe bo ta tende e mensahe aki tambe cerca lidernan di gobierno di Israel y defacto den e caso lanta contra Israel dor di Sur Africa na CIH (Corte Internacional di Husticia), tin un video entrega, unda tabata bisto con Netanyahu y soldanan Israeli tabata balia y grita Amalek, Amalek. E opinion aki di prome ministro Benjamin Netanyahu sigur ta ser carga door di su actual ministronan, kendenan casi tur ta zionistanan. Esnan mas extremo derechista ta e.o. minister di Finanzas Bezalel Smotrich, ministro di Seguridad Nacional Itamar Ben-Gvir, tur dos colonistanan na Trans-Jordania=Westbank. E colonistanan aki cada biaha ta roba mas teritorio di Palestinonan.

Hopi Hudiunan cu kier biba den paz cu Palestinonan.

Maske ta bisto tambe un grupo di zionistanan, kendenan ta di opinion cu Hudiunan mester biba den paz cu e Palestinonan y nan bisiñanan musulman.

Despues cu a inicia e mundo

unipolar cu Merca y NATO como podernan mas fuerte na mundo na 1992, e Hudiunan cu kier paz a ser benta un banda dor di e Zionistanan mas extremo y kendenan ta bisa cu Palestina no tin poblacion y si tin mes nan mester bay for di Palestina.

Tambe mundo conoce miyonnan di Hudiunan sin e pensamiento zionista, kendenan ta kere cu banda di un estado Israel mester existi un estado Palestino. Na mundo henter e grupo aki ta grandisimo, pero den Israel dor di e politica di confrontacion di e ultimo 30 añanan e grupo aki ta birando chikito. Bo ta mira e tambe politicamente. E partido Laborista poco aña pasa tabata e partido mas grandi na Israel, awe e ta un partido chikito y insignificativo.

Kico lo ta e futuro di Israel

E zionistanan mas modera ta bisa cu e zionismo extremista ta bay destrui e proyecto zionista door di e forma cruel cu nan ta trata e Palestinonan. Nan kier un estado internacional cu derecho igual na Hudiunan y na Palestinonan, cu respet na cada un su religion, manera tabata e caso prome cu 1917.

Hopi Hudiunan na mundo ta mira cu e caminda cu e gobierno di Israel a coy e ultimo añanan no ta yuda e Hudiunan na nada. Pa nan e proyecto zionista extremista no tin futuro mas, ni despues

di yega na un paz na GAZA. Awe hopi di e zionistanan modera ta bisa cu Netanyahu, ni Smotrich, ni Ben-Gvir, ni e otro ministronan ta zionista, pero nan ta barbaro criminal, pa e forma con ta conduci e genocidio contra e pueblo di Palestina na Gaza.

Nan ta mira tambe cu e seguridad di Israel ta den peliger. Berdad ta, cu Israel durante 76 aña a haci y deshaci cu e pueblo Palestino, hopi biaha cu accionnan cruel.

Pero loke a pasa ultimo tempo, unda mundo completo, pa prome biaha den historia di humanidad ta mira bibo y directo con un genocidio ta tumando lugar. Esaki via di e medionan di comunicacion moderno. Esaki tin consecuencia cu Israel ta kedando sin amigo na mundo, hasta Merca ultimo simannan ta bay contra Israel. Nan "Un SI tambe ta NO", a haci hopi daño, pero e atake di Israel ariba Rafah ta sigui persigui Merca. UE (Union Europeo) a pone su posicion bon cla cu Israel mester sali for di Rafah y Gaza. Merca kier stop di manda cierto armanan pa Israel y nan ta bisa cu Israel no tin plan kico pa haci despues cu termina e accionnan na Gaza. Aparentemente hasta den e gobierno di Israel tin diferencia di opinion. E ministro di defensa di Israel a ataca Netanyahu cu e no tin un plan despues di un paz na Gaza.

Merca kier pa PA (Palestinian Authority), cu Abas lider di PA y di PLO (Palestinian Liberation Organisation) ta na Cables pa goberna Gaza. Paisnan Arabe ta para 100% tras di Palestina y Hamas. Nan ta bisa cu ta Palestinonan ta bay dicidi e futuro di Gaza y Palestina cu apoyo di mundo Musulman, pues inclusivo Hamas. Cu e poder economico, financiero, militar di e paisnan Islamico y bisiña, Palestina lo tin un bon futuro.

Chauffeur cu a bay sali for di cura a mal calcula velocidad y distancia y a dal otro auto

Dialuna mainta a drenta informe di un accidente na Hooiberg, mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre un auto cu a bay sali for di cura a mal calcula e velocidad y distancia di e otro auto y a sali y e auto cu ta bin di pariba a dal e. Aunke e impacto tabata fuerte, afortunadamente ningun hende a resulta herida.



Chauffeur sin spiel na banda a bay reverse y a dal e auto su tras



Dialuna mainta a drenta informe di un accidente dilanti E.P.I., mesora a dirigi un patruya na e sitio.

Na yegada di e patruya a bin compronde cu e chauffeur di e Kia Cerato kende ta un

alumno di e school a bay reverse pero como e no tin spiel na banda (e ta kibra di un dia prome) e no a mira e auto su tras y a reverse y a dal e auto cual tabata su tras. Afortunadamente ningun hende a resulta herida.

Wiel cu wiel y spiel cu spiel di 2 auto RHD a dal otro na Bloemond



Dialuna atardi a drenta informe di un accidente na Bloemond, mesora a dirigi un patruya na e sitio.

Na yegada di e patruya a bin compronde cu aki ta trata di un accidente cu 2 auto RHD

envolvi unda e Toyota Passo bayendo zuid meymey di e caminda demasiado na su banda robes y a bay dal wiel cu wiel y spiel cu spiel den e banda robes cu e Nissan March di direccion contrario. E impacto a causa hopi daño y ningun di 2 por a sigui core.

E pasahero na banda den e March tabata keha di un tiki dolor pero no tabata desea atencion medico.

Na Sero Patrishi polis di e team di joyriding a logra topa un Kia Rio horta 2 siman pasa



Dialuna mainta polisnan di e team di joyriding pasando den Sero Patrishi a bin topa cu e Kia Rio horta 2 siman pasa for di Palm Beach.

E auto tabata tin algun dia caba staciona eyan. Mesora polis a confisca e vehiculo pa mas investigacion.

VACATURES Land Aruba



- Hoofd
(Departamento di Mucha y Hoben)
- Medewerker Informatisering en automatisering
(Griffie der Staten)
- Accountant
(Centrale Accountants Dienst)
- Controleleider
(Centrale Accountants Dienst)

Aplica
awe!

Sea parti di
e desaroyo
di bo isla

Kijk voor meer informatie op onze website:
hrportaal.drh.gov.aw/vacatures

Eight to Eight, Because our planet can't wait

Dia Internacional di Diversidad Biologico

Ora diversidad biologico, of biodiversidad pa corto, tin un problema, humanidad tin un problema. Diversidad biologico frecuentemente ta ser comprendi den termino di e variedad amplio di especie vegetal, animal y micro-organismo, pero tambe ta inclui e diferencianan den cada especie mes, por ehempel e variacionan den cultivo y animal di cria, y e variedad di ecosistema (lago, boske, desierto, paisahenan agricola) cu ta alberga multiple tipo di interaccion entre nan especienan presente (humano, mata, animal, micro-organismo).

Recursonan di diversidad biologico ta e pilarnan riba cual nos ta construi civilizacionan. Pisca ta provee 20 porciento di tur proteina animal pa mas o menos 3 biyon hende. Mas cu 80 porciento di e dieta di ser humano ta consisti di producto deriva di planta (cultivo). Casi 80 porciento di hende bibando den areanan rural den paisnan den desaroyo ta depende di medicina tradicional deriva di planta y hierba pa nan cuidio medico basico.

Pero perdida di biodiversidad ta menasa nos tur, incluso nos salud. A ser comproba cu perdida di biodiversidad por causa un expansion di zoonoses, malesanan transmiti di animal pa ser humano, mientras cu di otro banda, si nos mantiene biodiversidad intacto, esaki ta ofrece herment

excelente pa lucha contra pandemianan manera causa pa coronavirus.

Naciones Uni a proclama 22 di mei como Dia Internacional di Diversidad Biologico pa aumenta e comprension di y concientisacion pa temanan di diversidad biologico.

E tema pa 2024: bira parti di e plan di biodiversidad
Na december 2022 a adopta e Framework Mundial di Biodiversidad di Kunming-Montreal tambe conoci como e Plan di Biodiversidad ("Biodiversity Plan"), un acuerdo historico cu ta fiha meta y medida concreto pa para y reverti e perdida di diversidad biologico pa 2050.

Pa e razon aki a skohe como tema pa 2024 pa Dia Internacional di Diversidad Biologico "Bira parti di e Plan di Biodiversidad" (Be part of the Plan).

E tema ta haci un yamada pa accion na gobiernonan, pueblonan indigena, comunidanan local, NGOs, legisladornan, comercio, industria y ciudadanonan pa colabora activamente den e implementacion di e Plan di Biodiversidad, compartinan contribucionan y haci un compromiso cu e causa di e Plan. Tur hende tin un papel pa hunga den esaki y pesey por ta #PartiDiEPlan (#PartOfThePlan).

Mensahe di Antonio Guterres, Secretario General Nacionan Uni

E red di diversidad biologico compleho ta sostene tur bida terrestre. No obstante e red aki ta desintegrando cu un paso alarmante, y ta humanidad tin e culpa.

Nos ta contaminando terra, oceanonan y tur awa dushi cu substancianan toxico, ruinando paisahe y ecosistema y causando disrupcion y alteracion di nos precioso clima cu emision di gasnan cu efecto invernadero.

Decima y caba cu biodiversidad ta perhudicial pa desaroyo sostenibel den e presente y ta crea un futuro peligroso y incierto.

E Framework Mundial di Biodiversidad di Kunming-Montreal ta habri un caminda pa anula e perdidanan y restaura biodiversidad y, na mes momento, crea empleo, promove resiliencia y impulsa desaroyo sostenibel.. Gobiernonan mester hiba e iniciativa, pero, manera e lema di e aña aki di Dia Internacional di Diversidad Biologico ta bisa nos, nos tur ta forma "parti di e Plan" y nos tur tin un papel pa hunga.

Pueblonan indigena, empresanan, institucionan financiero, autoridadnan local y regional, sociedad civil, hende muhe, hubentud y e mundo academico tin cu colabora cu otro para valora, proteha y restaura biodiversidad di un manera cu ta sali beneficioso pa un y tur. Riba e Dia Internacional di Diversidad Biologico, laga



nos haci e compromiso pa forma parti di e Plan.

Y laga nos actua cu urgencia pa pone biodiversidad riba e caminda pa recuperacion. Y cu mira pa e 16ª reunion di e Conferencia di Partidonan den e Convenio di Diversidad Biologico, cu ta ser teni na oktober 2024, laga nos aumenta e ambicion pa proteha e Planeta y crea un futuro mas sostenibel pa un y tur.

Situacion di biodiversidad na Aruba

Na 2009 Rainbow Warriors Core Foundation a acerca Nacionan Uni, especificamente e Secretariado di e Convenio pa Diversidad Biologico na Montreal pa por haci un prefeasability study pa e herment conoci como National Biodiversity Strategy and Action Plan (NBSAP). Comokiera cu NBSAP ta un instrumento di maneho nacional cu tipicamente ta ser formula dor di agencianan gubernamental cu participacion di tur partidonan interesa (stakeholders), a acerca Ministerio di Asuntonan Exterior di Holanda cu den colaboracion di Consejo di Ministro na Aruba a acerca e Secretariado di dicho Convenio na Montreal. Na final esaki a conduci


na Rainbow Warriors Core Foundation haña lus berde na 2010 pa por haci e trabou aki como instancia pafor di Gobierno y e Secretario General na 2010, esta Ahmed Djoghlaif a asigna e Senior Programme Officer, na 2010, David Cooper como liaison.

Desafortadamente e estudio no por a ser haci debidamente comokiera cu e eliminacion di Antiya Holandes na 2010 a haci imposibel obtene dato di Antiya Holandes, indispensable pa e contexto regional pa e estudio aki y na Aruba a confronta un actitud di no-cooperacion di varios entidad gubernamental, entre otro di Parke Nacional Arikok. Anno 2024, Directie Natuur en Milieu a anuncia cu a inicia cu e plan pa bin cu un National Biodiversity Strategy and Action Plan pa cual a contrata WynstraGudde como consehero pa crea e instrumento aki.

Nos ta sigur cu nos lo crea un NBSAP pa Aruba efectivo y nos por conta cu un sosten extra pa esaki di parti di Rainbow Warriors Core Foundation, ya cu e liaison asigna na 2010 pa nos organisacion ta e actual Secretario General Interino na Montreal, esta e mesun David Cooper.

Mas fraude di compra online reporta despues di 2 aña den disminucion

(NLTimes) - Despues di dos aña den disminucion, e cantidad di fraude cu compranan online reporta na Hulanda ta aumentando atrobe segun AD su articulo, basa riba cifranan di polis y organisacion den e sector Thuiswinkel.org. Den e prome 4 luna di e aña, polis a ricibi un reportahe di fraude di compra online cada 10 minuut.



E tipo di fraude aki tabata den su nivelnan mas halto durante e pandemia di coronavirus, cu un cantidad record di reportahe den aña 2021. Despues di esaki, e tipo di fraude aki a cuminsa disminui pa 2 aña te cu awo. Den e prome 4 luna di e aña

aki, polis a ricibi 33,000 keho di e fraude aki, un aumento di casi 19 porciento compara cu e mesun periodo aña pasa. Un vocero di polis a conta AD cu un poco mas cu mita di e casonan ta involucra fraude riba tiendanan online of plataformanan manera

Martkplaats.

Thuiswinkel.org a ripara un aumento den e cantidad di web shop, director Marlene ten Ham a conta e corant. "Specialmente websitenan cu '.com' ta abusa e logo y number di webshopnan con-

oci." Victimanan tambe ta perdiendo mas, un averahe di 350 euro pa cada victima segun Ten Ham. "Un aumento di mas di 20 porciento compara cu aña pasa."

E forma mas comun di fraude cu compra online ta trata compra un producto y nunca ricibi esaki. Segun AD, fraude cu ticketnan pa concierto y weganan di futbol tambe ta birando mas comun. Tambe tabatin varios caso di persona cu ta book un cas di vakantie cu a resulta di ta completamente diferente na e potretnan of no ta existi mes. Cifranan publica pa Statistics Netherlands luna pasa a demostra cu victimanan di fraude

di compra online tabata menos probabel di reporta e crimen na polis den aña 2023 compara cu 2021. Mayoria a bisa cu nan no a bay polis pa motibo cu no tabatin sentido, nan no ta kere cu polis por yega na e sospechoso ni tampoco debolbe nan placa.

Sinembargo segun e vocero di polis cu a papia cu AD, esaki ta cambiando. Den añanan recien, e cantidad di caso di fraude di compra online den cual polis a identifica un sospechoso a bira mas cu 4 biaha e cantidad, di menos di 2 porciento te na casi 8 porciento. Esaki te ainda ta mas abao cu otro crimennan, sinembargo e ta mehorando constantemente.

Ajax buscando pa confirma yegada di manager Italiano e siman aki

(NLTimes) – Club di futbol di Amsterdam, Ajax kier confirma e yegada di manager Italiano, Francesco Farioli e siman aki. E manager di 35 aña di edad ta bay join e club for di club di Ligue 1 Frances, OGC Nice, unda e tin un contract te 2025.

Fuentenan na e club ta bisa cu tin un contract di tres aña cla pa reemplazo di manager interino, John van 't Schip. De Telegraaf ta reporta cu Ajax ta bay paga Nice 1.25 miyon euro pa e manager.

E club di eredivisie cu mas titulo na Hulanda ta buscando un manager pa lunas. Louis van Gaal, consehero di hunta di supervision pa e club, ta bisa cu e no tin energia pa traha cu un team tur dia. Erik ten Hag ainda ta bao contract

na Manchester United, y Graham Potter a rechasa un posible acuerdo despues di varios combersacion cu Ajax.

E team ya a tene varios combersacion cu Farioli, pero e Italiano tabata kier termina e temporada cu Nice di e manera corecto. E club eventualmente a keda na di cinco lugar den division Frances.

E expectativa ta cu Farioli ta bay yega Amsterdam cu su assistentnan actual, Felipe Sanchez Mateos di Spaña, y e Italiano, Daniele Cavaliotto. Ajax kier pa Dave Vos, actual manager di team hubenil di Ajax, tambe ta un assistent den e prome team. Jong Ajax ta hunga profesionalmente den Eerste Divisie.

Ta considera Farioli como sin experiencia, ya cu apenas e ta

un manager pa tres aña. El a traha como coach di portero pa 11 aña, y un aña como manager assistent prome cu manage tanto Karagumruk y Alanyaspor na Turkia. El a keda nombra como manager di Nice ultimo berano.

Ajax tabatin un di e pio temporadanan den historia di e club ultimo temporada, keda na di cinco lugar den clasificacion di liga Eredivisie. E temporada tabata mancha pa controversia fuera di e cancha, manera e acusacion contra CEO Alex Kroes pa 'insider trading', y presidente di Hunta di Supervision, Michel van Praag cu no a registra su accionnan den e club na tempo. Kroes a keda cu e team como director tecnico, y no a forsa Van Praag pa retira di su rol.



Ajax ta bay hunga den e segundo ronda di clasificacion pa UEFA Europa League proximo temporada. Kroes

recientemente a bisa cu e club ta bay tin mester di bende hungador prome cu por cumpra talento nobo.

IBISA, Comite Olimpico Arubano conhuntamente cu Aruba Bank a anuncia e IBISA Olympic Day Kids & Youth Run 2024



Registracion ta habri pa e evento # Kids/Youth #8 IBISA Olympic Day Kids & Youth Run di IBISA Aruba, Comite Olimpico Arubano y Aruba Bank N.V.

Pa participa por registra na www.deporteescolararuba.com

E evento aki lo tuma lugar riba diasabra, juni 22 cuminando pa 6:00 AM na Comite Olimpico Arubano den Vondellaan. Registracion ta completamente GRATIS pa tur participante di edadnan 4 te cu 18 aña. Tur participante lo ricibi un Olympic Day t-shirt y certificado pa conmemora e

Dia Olimpico.

Esaki ta e evento di mas grandi pa nos hobenan cu lo conta cu 750 participante. Pues registra mas liher cu ta posibel pa bo no keda afo! E team di IBISA lo haci entrega di e paketenan na e scolnan dia 18, 19, 20 di juni.

Mientras e careda ta tumando luga, lo tin e Olympic Day Celebration di Comite Olimpico Arubano, unda cu diferente federacionnan deportivo lo duna demostracion y brinda informacion di nan deporte como tambe di e Balornan Olimpico cu tur federacion ta para p'e.



VACATURE MELDING

Instituto Medico San Nicolas (ImSan) heeft als doelstelling het aanbieden en bevorderen van optimale medische zorg van klinische, poliklinische en ambulante aard en de toegankelijkheid daarvan voor alle burgers.

ImSan is op zoek naar enthousiaste PACU-Verpleegkundige voor haar Operatiecomplex.

PACU-Verpleegkundige M/V

Funcie-inhoud:

Het deskundig en zelfstandig verlenen van patiëntenzorg en het assisteren van de anesthesioloog in de pre-, per- en postoperatieve fase middels het bewaken en al dan niet in directe opdracht van de anesthesioloog, bijsturen van de vitale lichaamsfuncties van patiënten tijdens behandelingen en onderzoeken.

Funcie eisen:

1. HBO-Verpleegkundige, aangevuld met de specialisatie PACU, S.E.H. of ICU;
2. Minimaal 5 jaar relevante werkervaring op een acute afdeling van een ziekenhuis;
3. Stressbestendig, tactvol en in het bezit van inlevings- en aanpassingsvermogen;
4. Bereid om voor de dienst belangrijke cursussen te volgen;
5. Zelfstandig en in team verband kunnen werken;
6. Gemotiveerd, enthousiast en flexibele instelling;
7. Bij voorkeur in het bezit van een geldig BLS/ACLS/PALS certificaat, dan wel bereid deze cursussen te volgen.

Gaarne uw verzoekschrift + C.V. voor 30 mei 2024 te richten aan mevrouw E. Campbell-Duijm, Pastoor Hendrikstraat 10, San Nicolas, Aruba. E-mail: e.duijm@imsan.aw onder vermelding van "PACU-Verpleegkundige".

redefining patient care

Djokovic ta derota Hanfmann pa alcanza quart final di Geneva Open riba su di 37 cumpleaños

(AP) — Novak Djokovic a celebra su di 37 cumpleaños riba diaranson door di derota Yannik Hanfmann 6-3, 6-3 pa alcanza e quart final di Geneva Open.

Tabata e di 1,100 victoria pa e No.1 Mundial na torneonan ATP.

Djokovic a rally for di 3-0 down den e set final door di gana seis game consecutivo. El a converti su di dos match point ora e forehand di Hanfmann a dal e net.

E Aleman di 32 aña di edad a break Djokovic den e di dos game di e set ora Djokovic a haya problema cu su prome serve.

E partido di segundo ronda a keda suspendi mas trempa pa yobida, cu Djokovic purbando di serve out e prome set 5-3, deuce.

E campeon di un record di 24 Grand Slam a desperdicia un set point y mester a save cuatro break point prome cu yobida a interumpi e partido. E mester a save otro break

point despues cu wega a reanuda prome cu serve out e set cu un ace.

Hanfmann a elimina Andy Murray den prome ronda 7-5, 6-2.

Djokovic a ricibi un wild card na e evento riba klei cu ta un warm up pa e French Open. Buscando su prome titulo di e temporada, Djokovic ta bay enfrenta Denis Shapovalov of Tallon Griekspoor proximo.

E Geneva Open su final ta



programa pa diasabra, un dia Garros, unda Djokovic ta prome cu wega pa e main draw ta cuminsa na Roland champeon defensor.

Steinhauser ta logra prome victoria profesional den etapa 17 di Giro d'Italia



(AP) — Georg Steinhauser a bay solo pa su prome victoria profesional den e brutal di 17 etapa, y lider general, Tadej Pogacar a extende su bentaha ya considerable na casi 8 minuut.

Steinhauser tabata smile durante e ultimo 400m, sabiendo cu e tabata coriendo na e exito mas grandi di su carera den su debut den Grand Tour. E Aleman hoben despues a sacudi su cabes den incredulidad prome cu sinta y hisa su brasa riba su cabes mientras el a crusa e cumbre final na Passo Brocon.

Steinhauser, 22, tin un pedigree fuerte den ciclismo. Su tata, Tobias tambe tabata un ciclista profesional, y su omo, Jan Ulrich, a gana e Tour de

France como tambe Vuelta Spaño.

Pogacar a menasa di dañia dia di e Aleman cu un atake laat, pero e ciclista Slovenio a keda 1 minuut, 24 seconde tras di Steinhauser. Antonio Tiberi a lidera un gap reduci di contendientenan general pa keda na di tres lugar, 1:42 atras.

No tabatin nada di e drama y caos di e dia prome, pero e tempo ainda tabata muha y freeze na algun parti riba un dia dificil den e Dolomites. Apart di un pida cortico, e ciclistanan tabata constantemente subiendo of bahando riba e ruta di 159km for di Selva di Val Gardena, cu cuatro ascenso clasifica prome cu e ascenso di categoria top na e final di Passo Brocon. Steinhauser tabata parti di

e prome breakaway di e dia, pero e peloton a alcanza nan. Amanuel Ghebreigzabhier e ora a separa riba su mes den direccion di e di tres ascenso, cu 60km faltando, y Steinhauser a bay su tras.

Steinhauser a ataca cerca di e cumbre di e prome ascenso di e Passo Brocon, riba e penultimo ascenso di e dia, na un victoria solo durante e ultimo 34 km.

E di 18 etapa awe diahuebs ta ofrece un tiki alivio for di e montañanan den un ruta principalmente plat di 178km for di Fiera di Primeiro na Padua, cu probablemente ta bay caba den un sprint.

E Giro ta caba na Roma riba diadomingo.

Strea di Padres, Xander Bogaerts riba lista di lesionado cu fractura na su schouder

(AP) — E segundo base All-Star di San Diego Padres, Xander Bogaerts a kibra su schouder banda robes intentando un diving pickup y a ser poni riba lista di lesionado pa 10 dia ayera.


“Mi no ta grandi riba timetable,” manager di Padres, Mike Schildt a bisa. “Obviamente e ta bay ta fuera di wega pa un periodo di tempo. Ta imposible pa bisa con largo. Ainda nos ta colectando informacion.”

Bogaerts a lesiona su schouder mientras tabata dive pa un ground ball den e prome

wega di un doubleheader di alguna contra e Braves. Personal di training a escolta Bogaerts fuera di e cancha despues di evaluacion. Imagenan inicial di schouder di Bogaerts a bin negativo, pero e fractura a keda revela ora a haci mas test riba diaranson.

“No mesun bon cu loke claramente nos a spera, specialmente despues di e imagen inicial,” Schildt a bisa.

Bogaerts, kende a ser poni riba e lista di lesionado retroactivamente na dia 21 di mei, ta batiando .219 cu cuatro homer y 14 RBI.



Baby por cuminsa lesa na biblioteca

Biblioteca Nacional Aruba ta ofrece BoekStart pa baby y ta recomenda may- or cuminsa stimula lesa- mento trempan. Boek- Start ta un proyecto pa laga baby of peuter cera conoci cu buki hunto cu su mayor.

Lesamento den bos halto pa baby ta stimula e desaroyo di idioma pero tambe ta forti- fica e laso y conexion entre mama/tata y yiu. Ta reco- mendabel pa cuminsa desar- oya e cultura di lesamento na cas di trempan. Mayor di baby di 3 luna te 2 aña di edad por inscribi nan yiu na biblioteca (Playa of San Nicolas) y nan ta ricibi un maletin chikito cu ta con- tene 2 buki. Un ta di tela y



material suave especialmente desaroya pa un baby por hun- ga cune. E maletin chikito ta un regalo hunto cu e miem- bresia. Miembresia pa mucha ta gratis. Biblioteca ta ofrece un coleccion grandi di buki di preñchi pa baby y mucha chikito. Biblioteca ta duna e maletin di BoekStart tanten cu tin.

Forum di Trafico na Telearuba: Rotonde, Keuring, Faha di Siguridad y Alcohol den Trafico



Comision Trafico Sigur den colaboracion cu Telearuba lo presenta otro siman Diamars 28 Mei 2024, su di dos programa di Forum dedica na promove siguridad den trafico.

Den e prome programa na luna di April, expertonan a duna splicacion amplio riba e importancia di uzo di asiento pa mucha (Child Car Seat) y e consecuencianan cu por tin si no haci uzo di dje.

E biaha aki lo pone atencion na con pa core corectamente riba e rotondenan di Aruba, no ta tur rotonde ta mescos, kico ta e diferencianan, kico mester haci y no haci ora cu bo ta riba un rotonde of saliendo for di un rotonde. DTI lo tey presente pa informa tocante di e importancia di Keur bo auto y uzo corecto di Faha di Siguridad. Segun data internacional di World Health Organization (WHO) e uzo di Faha di Siguridad por salba bo bida cu un probabilidad di te cu 50%.

Lo tin un especialista Toxicoloog cu lo informa

tocante di influencia di alcohol riba e automobilista, kico ta e fayonan cu ta surgi den comportacion, habilidadnan y riesgonan cu por spera. Ministerio Publico tambe lo t'ey presente pa duna informacion y splicacion tocante boetnan y eventual castigonan cu ta wordo aplica pa e diferente tipo di accidentenan ora cu alcohol ta hunga un rol.

Sintonisa TeleAruba dia 28 di Mei 2024 na Canal 13 y 23 of Live riba YouTube. E programa lo cuminsa pa 8:30PM di anochi despues di Telenoticias. Comuninid henter di Aruba ta keda cordialmente invita pa forma parti di e programa. Por manda preguntanan via Whatsapp na +297-597-2323 y panalista nan lo contesta bo preguntanan na final di programa. Hunto, ban haci nos camindanan mas sigur pa un y tur.

Salba Bida, Scoge pa Siguridad!

Resultado Sorteo
Mei 22

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
3644	1828	0874	9586
5556	0138	SUPER5	3731
9096	4327	-	1153

MERDIA

Sorteo # 4273

5535

2481

3290

X3

Sorteo # 4273

7741

X2

Sorteo # 2329

3849

Sorteo # 4273

3781

Aquario

Sorteo # 1147

853

X2

Sorteo # 8248

6581

2823

2754

X2

Sorteo # 7292

3298

FP

Sorteo # 1997

8482

Sorteo # 6051

1661

Aries

Sorteo # 981

813

X3

Sorteo # 2494

1 x Jackpot

0 x Match 4+

8 x Match 4

315 x Afl. 12,00

02-13-15-22-25

Joker 31 Letter E

Proximo Jackpot

100.000,-

Sorteo # 6479

0 x Jackpot

9 x Match 4

169 x Afl. 8,00

06-07-09-12-17

Proximo Jackpot

58.000,-

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

550.000,-

Afl. 775.000,-

Sorteo #

King Classic Sudoku

	6		4	9	5		1	2
					1	7		5
	2	5	7	6			9	
7		9	5	2				3
							4	6
6			1					7
	3			5		6	7	
2			9				5	
		1		4	7			

Difficulty: ★★★

5/23

©2024 King Features Syndicate, Inc.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle San Nicolas
Tel. 587 9011 Tel. 584 5712
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Autonan nobo na California por alerta chauffeurnan pa violacion di e limite di velocidad



(AP) - California por eventualmente uni na Union Europeo den rekeri tur vehiculo nobo alerta chauffeur ora cu nan kibra e limite di velocidad, un proposicion cu e meta di reduci mortonan den trafico cu ta hopi probabel di impacta motoristanan den henter e pais si e bira ley.

E gobierno federal a crea standard di seguridad pa vehiculonan den henter e nacion, cual ta e motibo dicon mayoria vehiculo awo ta pita si e chauffeur no tin su faha di seguridad bisti. Un proposicion den e legislatura di California, cual a keda aproba den su prome voto den Senado diamars, lo bay mas aleu y rekeri tur vehiculo bendi den e estado pa ana 2032 pita na e chauffeur ora cu nan surpasa e limite di velocidad cu por lo menos 16 kilometer pa ora.

“Investigacion a demostra cu esaki si tin un impacto den logra pa hende baha nan velocidad, particularmente pa motibo cu hopi hende no ta realisa con lihe nan vehiculo ta coriendo,” Senador di Estado Scott Wiener, un democrata di San Francisco y e proposicion su autor a splica.

E proposicion a keda aproba diamars, un indicacion di e caminda duro cu e tin su dilanti. Senador di Estado Republicano Brian Dahle a bisa cu el a vota contra e proposicion parcialmente pa mo-

tibo cu el a bisa cu tin biaha hende tin cu stuur mas lihe cu e limite di velocidad den un emergencia.

Mientras e meta ta pa reduci e fayecimentonan den trafico, e legislacion ta probabel di impacta benta di tur vehi-

culo nobo na Merca. Esaki ta pa motibo cu California su mercado di vehiculo ta asina grandi cu e creadornan di vehiculo ta hopi probabel cu e fabricantenan di vehiculo lo fabrica tur nan vehiculonan cumpli cu e estado su ley.

Pronostico di tempo

Tempo:

Awe tardi y awe nochi: variablemente nubia cu localmente un awasero
Den marduga y mañan: variablemente nubia cu algun awasero cu por ser acompaña pa lamper cu strena

Temperatura maximo 32 grado Celsius

Temperatura minimo 26 grado Celsius

Indice di calor (heat index) den y rond di oranan di merdia: 33 pa 38 grado Celsius
Uv index: 12

Bahada di solo: 6:59pm
Subida di solo: 6:14am

Biento:

Moder for di direccion oost-noordoost te oost-zuidoost; forsa 3 te 4 (12 te 30km/ora, 7 te 16 nudo).
Durante di dia of den awasero fuerte den rafaga; forsa 5 (31 te 39km/ora, 17 te 21 nudo)

Situacion general di tempo:

Un disturbio den nivelnan mediano y mas halto di atmosfera ta treciendo humedad y inestabilidad den region local. Esaki lo por induci al-



gun awasero cu localmente por wordo acompaña pa lamper cu strena. Localmente awasero por ta fuerte y causa molester.

Mas aleu por bisa cu stof di Sahara den un concentracion leve lo stroba visibilidad un Poco y trece aire di calidad abou. Na personanan cu alergia y problemanan respiratorio ta wordo sugeri pa tene esaki na cuenta.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: trankil, entre 2 pa 3 pia.
Na partinan oost te noord-west di costa: generalmente modera cu olanan alrededor di 6 pa 7 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta vigila nos bida di un distancia ora cu e kier pa nos bin drumi den su dushi brazanan e ta yama nos bin cerca dje"

Cu inmenso tristeza y dolor na nos curason pero agradecido pa tur locual e la nifica pa nos y conforme cu boluntad di Dios nos ta anuncia cu a bai den "Reino di Señor nos estimada casa - mama - wela - ruman - tanta -



Sra. Juana "Chicka" Wijshijer-Boekhout
*21-08-1949 †15-05-2024

Na number di su:
Casa: George Johan Wijshijer

Yiu: Shanandoe Wijshijer y Ivo Jacobs

Nieto: Kian George Jacobs

Ruman nan:

† Cornelis y Sylvia Boekhout
Aida y † Chenco Harms y famia
† Hose y † Coleta Boekhout y famia
† Rosa Hams y famia
Ronny Boekhout y famia
Lidia Boekhout
Mario Boekhout
Violeta Willems y famia
Modesto Werleman

Subrino nan: †Johan Boekhout, †Theodoor, †Jolanda Boekhout y famia, Vivian Boekhout y famia, † Stanley Boekhout y yiu, Miquel, Jane Dirks y famia, † Glenda Jansen y yiu, †Mirtha, Ludy y Juan Maduro y famia. Michael y Fai Harms y famia, Marlene Harms, Eveline Harms y yiu, Maureen Harms y Eugene Maduro y famia. Tony y Perina Boekhout y famia, Jacky Leon y famia, Raquelita Boekhout y famia, Mario Boekhout, Sandra Boekhout y yiu. † Rafy Harms y famia, Jacky Harms y famia, Suzy y Jorge Croes y famia, Sharine y Clive Winterdaal y famia, Jayant Willems.

Prima nan:

Jacky Mercera y yiu
Agata Lampe y famia
Francisca Werleman y famia.
Maxima y Mario Croes y famia
Josefa y Chai Chirino y famia.

Cuña nan:

Anthony Wijshijer y famia
Jacqueline Michels y famia
Silvia Wijshijer y famia

Amiga nan: Jane Wijshijer, Astrid Croes, Annie.

Y demas famianan: Boekhout, Wijshijer, Werleman, Harms, Henriques, Maduro, Willems, Winterdaal, Danje, Tromp, Everon, Leon, Jansen, Croes, Jacobs, Mercera, Michels, Lampe, Chirino, Pabon y demas famia y conocirnan

Nos ta disculpa si den nos tristeza nos a lubida algun number nan di famia.

Ta invita pa e acto di entierro cual lo tuma lugar diabierna 24 di mei 2024 di 2or pa 4or di atardi na Misa Inmaculada Concepcion na Santa Cruz y despues lo sali bai pa Santana Catholico na Santa Cruz (pastor de Vries).

Despues di entierro no por ricibi bishita di condolencia na cas

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason. "Cerca Dios mi alma ta na paz, ta di DJ'E mi salbacion ta bin"
Salmo 62:1

Cu dolor na nos curason, nos ta participa fayecimento di nos ser stima:



Sra. Sharon F. Angela-Spong
Cariñosamente yama "Sharontje"
*16-09-1970 - †17-05-2024

Na number di su:
Casa: Marciano (Juni) Angela

Yiunan:

Genieve Angela
Valentino Angela

Nieta: Ansély Perez

Mama: Astrid Marselia

Tata: Henk Spong

Ruman nan:

Lianne Spong Cordero y yiunan
Estephano Spong
Hendry Spong

Swa y Cuñanan:

Rollyn y Roosje Angela y famia
Melvin Cordero

Yerno: Anson Perez

Nuera: Alexandra Toppenberg

Tio y tanta nan:

Donald Marselia y famia
Judine Slijger y famia
Glenn Royer y famia
Dorty Spong
Shirley Spong
Eric Spong
Martha Spong

Ademas famia, primo/a y amigo nan:

Spong, Attaf, Gil, Marselia, Royer, Timber, Benitez, Lo, Boekhoudt, Carvajal, Wanga, Kock, Koolman, de Cuba, Hoen, Maduro, Nadal, Alders, Guerra, Laszo, Gonsalves, van Wijk, Toppenberg, Shew-a-Tjong, Panneflek

Danki na collega y ex-colleganan di:

- Abraham de Veer
- Scol Soeur Juliette
- Scol Dornasol
- Scol Chikitin Bin Bin
- De Schakel College

Ta invita pa acto di condolencia y despedida cual lo tuma lugar na Aurora Funeral Home diahuebs 23 di mei 2024 di 2'or pa 4'or di atardi. Cremacion lo tuma lugar despues.

Nos deseo ta pa bini bisti cu colornan alegre.

Disculpa nos cu despues di despedida nos no por ricibi bishita di condolencia na cas

Nos disculpa si nos por a lubida algun famia of conocir

Aurora

Royal Pray

Funeral Home & Crematory

Laga tur loke ta sperami ta bunita,
Laga tur locual cu mi encontra na caminda ta bunita,
Laga tur locual mi laga atras keda bunita,
Y laga tur esaki nan termina den tur buniteza.
Cado Wever



Despues di un lucha largo y balente nos ta participa cu a bay sosega den reino di Señor nos Esposo, Tata, Ruman, Omo, Sobrino, Primo, Sua:

Alejandro Eladio Comenencia
Mihor conoci como "Niño"
* 18-02-1955 - † 22-05-2024

Tata: † Alejandro "Indio" Comenencia
Mama: † Adela Comenencia-Gomez
Esposa stima: Glenda Comenencia-Albertsz

Yiunan stima:

Aldrin y Maaïke Comenencia-Los, Rujina Comenencia

Yiunan di criansa: Tamara Martinus "Jaja" y Alvin Levenston y yuinan, Sheritza Martinus "Itja" y yiu, Jilleanny Nedd "Neny" y yiu

Nietonan stima: Alana Comenencia, Hailey Comenencia, Rogan Comenencia

Mescos nieto: C-James Dozier

Rumannan: †Gabriel "Peppy" y Alexandrina Comenencia-Blanco Fanny y Legenhousen "Larry" Nyack-Comenencia, Judith y Frank Richardson-Comenencia, Beatriz "Beata" y Luis "Gino" de Cuba-Comenencia, Edwin "Papito" y Elvia Comenencia-Rodriguez, Maria "Mary" y Tirso Tromp-Comenencia, †Ivy Marcia y Ryan Tang Yuk-Comenencia

Mama di su yiunan: Ruthlin Neuman

Omonan: Joaquin (Quincho) Comenencia y famia, Carlos (Calulo) Comenencia y famia,

Tanta: Teresa Kock-Comenencia y famia
Sobrino y sobrinanan: Sheldon y Marlin Nyack-Figaroa y famia, Ghislaine y Harold Grant-Comenencia y famia, Arthur y Gennilee Comenencia-Ras y famia, Franklin y Elsa Richardson-Rincones y famia, Julianne y Jobert Reyes-Comenencia y famia, Javier (Derrick) Comenencia, Lugina y Ervany Machado-de Cuba y famia, Ryan (Ching) Tang Yuk y Paula Trachet y famia, Gabriela Tromp y Andrew Croes

Cuña y Swanan: Lucisita Albertsz y yiunan, Jozef y Jeanine, Albertsz-Dania y yiunan, Sila y Clay Shipley-Albertsz y yiunan, †Astrid Albertsz y yiunan, Kenneth Albertsz y yiunan, Lorenzo y Glenda Curie-Trimon y yiunan, Rodney Albertsz y yiunan, Eugene y Risjiena Albertsz-Martijn y yiunan na Hulanda, Zulaika Albertsz y yiunan na Hulanda

Ihanan, primo- y primanan, amigonan y demas famia na: Aruba, Curacao, Colombia y Hulanda

Na Curacao: Marlene Comenencia, Rumannan y famia, Randy de Lannoy y famia, Fania Jacobus, Fania Curiel

Na Colombia: Comenencia, Gomez, Elias, Bruges, Scott, Alzamara, Granados, Freyle Villar
Colectantnan: Parokia Inmaculada Concepcion
Miembronan di Koor: De Trupialen, Maria Reina di Paz, Fatima Dakota, Catedral San Francisco, Rejoice, Tromp's Family

Teamnan: Wandelvoetbal Inro 60+, Softball Boomerang 60+
Ex-coleganan: Unicon, ALM, Air Aruba, Aruba Airport Authority

Demas famianan: Comenencia, Gomez, Albertsz, Nyack, Richardson, De Cuba, Tromp, Blanco, Rodriquez, Kock, Tang Yuk, Violinus, Reyes, Grant, Ras, Rincones, Los, Machado, Croes, De Koning, Bruges, Bitorina, Beke, Ramharakh, King, Jeroc, De La Cruz, Castillo, Castillego, Quandus, Nuboer, Sneek, Steenen, Rafael, Lake, Becker, Schwengle, Quandt, Werleman, Nedd, Currie, Gir, Dozier, Martinus, Shipley, Flanegin, Cardona, Angela, Herts, Dania, Martis, Didier, Figaroa, Trachet, Neuman, Irwin, Geerman, Franken, Paesch, Jerome.
Acto di condolencia lo tuma lugar diabierna, 24 di mei 2024 di 7'or pa 9'or di anochi na Aurora Funeral Home.
Ta invita famia, bisiaña, amiga y amigonan, conocirnan, ex-coleganan pa asisti na e acto di entierro cu lo ta tuma lugar diasabra, 25 di mei 2024 for di 1'or pa 4'or di atardi. Nos difunto stima Alejandro lo ta reposa den Parokia Birgen di Fatima Dakota. Despues lo sali pa Santana Central na Sabana Basora. Na lugar di flor of krans un donacion Fundacion Hospice Atardi "Ho Sing Loy" lo ta altamente aprecia. Lo tin un box disponibel pa e bunita gesto aki.

Nos disculpa si den nos tristeza nos por a lubida di menciona un of otro famia.

Despues di entierro nos no ta ricibi bishita di condolencia na cas, nos ta pidi comprension pa esey.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso dolor na nos curazon y agradecido
pa e amor, educacion y perseverancia cu semper
ela demostra y brinda, pero conforme cu
boluntad di Dios nos ta anuncia cu a bay laga
nos den brasa di Señor



Simon Rudolfo (Rudy) Oduber
*16-10-1936 †21-05-2024

Casa:
Clara Mercedes Oduber-Osorio

Yiunan:
† Simon R. (Rudito) Oduber
Luis y Monique Oduber-Buckley
Otnar Oduber y Kimberly Cruz-Machado

Nieto(a)nan:
Jeandrick Oduber, Dana Arendsz, Tariq
Oduber,
Terrence Oduber, Sean Oduber, y Declan
Oduber.

Rumanan:
† Luis Oduber y familia
† Serita Arends-Oduber y familia
† Dolfi Oduber y familia
Simon “Juni” Oduber y familia

Primo(a)nan, subrino(a)nan, amigo,
conocirnan, y bisñanan

Demas familia Oduber, Osorio, Buckley, Harms,
Arends, Croes, Marugg, Paris, Dubero, Geraci,
Koolman, Thiel, Chung, Castro.

Ta invita pa acto di despedida cu lo tuma lugar
diasabra dia 25 di mei 2024, na Aurora Funeral
Home di 1:00 pa 3:30 di merdia, sigi pa acto di
entiero.

Despues di entiero no ta ricibi bishiti di
condolencia na cas.

Nos disculpa si den nos tristesa nos por a lubida
cualquier persona.



WWW.BONDIA.COM

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Habri portanan santu pa mi, mi ke drenta y
alabá Señor. Ata e porta di Señor akí, tur e
fielnan ta pasa den dje. Mi t'alabá bo pasobra B'a
skucha mi, pasobra B'a manda mi salbashon.
Salmo 118: 19-20-21

Cu dolor na nos curason, nos ta participa
fayecimento di nos ser stima:



Sr. vdo. Aloisio Koolman
Cariñosamente yama “Wichi, Mo-dje”
*17-03-1933 - †17-05-2024

Na nomber di su:
Casa:
† Marina Koolman-Laclé

Yiunan:
Marina “Rina” Koolman
Vda. Rebecca El Jabakhanji-Koolman
Lilian Koolman

Nietonan:
Marian Maria-Koolman, casa y yiunan
Jose Erasmus, Michenine Gomez y yiunan
Jamil El Jabakhanji, familia y yiunan
Magda “Majida” El Jabakhanji
Amir El Jabakhanji, Nathalie Thodé y yiunan
Patrick Hill
Aldrick Hill
Felipe Hill, familia y yiu

Bisnieto(a)nan.

Rumannan:
† Rosa Maria Croes-Koolman y familia
† Felicia Hernandez-Koolman y familia
Marianita Croes-Koolman y familia
† Yulia Maria Geerman-Koolman y familia
Francisco Koolman y familia
† Augustin Maduro y familia

Sobrino(a)nan y Primo(a)nan

Cuñanan & sua:
† Eulogio y † Inocencio Croes y familia
Jacont y Estebanita Laclé-Boekhoudt y familia
† Reinita Laclé y yiu y familia
Everaldo y Griselda Laclé-Henriques y familia
Ex-coleganan di D.O.W.

Demas familia: Koolman, Krozendijk, Krozendijk,
Laclé, Erasmus, Maria, El Jabakhanji, Thodé,
Croes, Hernandez, Geerman, Maduro, Hill, Lee,
Dania, Lourens, Gomez

Ta invita pa acto di entiero cual lo tuma lugar na
Aurora Funeral Home diabierna 25 di mei 2024 di
9or pa 11or di mainta. Despues lo sali pa Santana
Catolico na Sta Cruz.

Nos disculpa si den nos tristesa nos por a lubida
cualquier familia of conocir.

Aurora

Royal Pray

Funeral Home & Crematory

“Dios ta amor.... y amor ta Dios,
Maske mi no ta na e mundo aki, tuur dia lo mi ta banda
Di boso Curazon, mi no por stens di loke
Señor ta hasi.”
Salmo 33

Cu inmenso dolor y tristeza
nos ta anuncia fayecimento
cristianamente di



**Vigiomone
Estrame**
Mihor conoci como:
“Memene”

Acto di entiero lo wordo
anuncia despues.

Aurora

Royal Pray

Funeral Home & Crematory

“Escucha, oh Jehová, mis palabras; Considera mi gemir.
Está atento a la voz de mi clamor,
Rey mio y Dios mío, Porque a ti oraré”
Salmo 5: 1-2

Nos ta participa fayecimento
di:

**Francisco V.
Franken**

Cariñosamente yama “Paco”
*25-12-1960 - †22-05-2024

Acto di entiero lo wordo
anuncia despues



Directie Wetgeving en Juridische Zaken
ta anuncia fayecimento di:



Sra. Mildred Veronica Obergh – Jubitana

Mama di nos Colega Kitty Obergh.

Nos di DWJZ ta manda palabra di condolencia y hopi forsa na
Kitty y familia.

Cu Sra. Mildred sosega na paz.

China ta sanciona companianan di defensa y ehecutivonan Mericano pa bendemento di arma pa Taiwan

(AP)—Ayer China a sanciona 12 compania Mericano relaciona cu defensa y 10 ehecutivonan pa bendemento di arma pa Taiwan den represalias pa un sancion Mericano den pasado riba companianan Chines conecta cu Rusia.

E entidadnan ta inclui unidadnan di Lockheed Martin, Raytheon, General Dynamics y otro compania. Ehecutivonan senior di Northrop Grumman Corporation y General Dynamics tambe a haya sancion.

E ministerio di Asunto den Exterior Chines a bisa cu e medidanan a bin despues cu Merca a “impone indiscriminadamente sancionnan unilateral riba un cantidad di entidad Chines riba fondo di supuesto factornan relaciona cu Rusia,” y cu Merca “a sigui bende arma na e region di Taiwan.”

China ta declara e isla autogobernante como su territorio,

pa ser anexa via uso di forza si ta necesario. El a oponer cualquier benta di arma pa Merca na e isla. Mientras cu Merca no ta reconoce Taiwan como un pais, Washington ta obliga pa un ley federal pa sigura cu e gobierno di e isla tin e capacidad pa defende su mes.

Despues di e inauguracion di e presidente nobo Taiwanés, Lai Ching-te, dialuna, China a anuncia sancion riba Boeing Defense, Space and Security y otro compania Mericano di defensa pa bendemento di arma pa Taiwan, y contra Mike Gallagher, un ex-representante republicano cu a muestra apoyo pa e isla.

E ronda mas recien di sancion, impone bao e Anti-Foreign Sanction Law di China, lo freeze tur activo pa e empresanan dentro di China y ta nenga e individualnan y nan famia visa pa drenta e pais, incluyendo Hong Kong y Macau. E empresanan y individualnan tambe lo ta prohibi di haci cualkier negoshi cu com-



panianan Chines. No tabata claro ki efecto e accionnan aki lo tin, pero sancionnan asina frecuentemente ta simbolico.

E medidanan ta bin ademas di esnan anuncia aña pasa cu a prohibi Lockheed Martin

Corp. y Raytheon Missiles and Defense di Raytheon Technologies Corp. di importa producto den China of pa haci inversion nobo den e pais.

Dia 1 di mei, Merca a impone

sancionnan nobo riba centenares di compania y hende conecta cu e programa di desaroyo di arma di Rusia, cual a inclui mas cu un decenas di entidad Chines acusa di yuda Moscu scapa castigonan anterior.

Material for di pier Mericano den Gaza a alcanza Palestinonan cu hamber, segun ONU

(AP)—E World Food Program di e Organizacion di Nacionnan Uni (ONU) a bisa ayera cu el a parti na Gaza e siman aki “un cantidad limita” di buscuchinan di energia cu a yega for di e pier construi pa Merca, e prome ayudo for di e ruta maritimo nobo, den man di Palestinonan den necesidad grave.

E cantidad chikito di buscuchi a bin des e prome envio for di e pier diabierna, segun vocero pa WFP, Steve Taravella. E Agencia Mericano pa Desaroyo Internacional a conta AP cu un total di 41 truck yena cu ayudo for di e pier a alcanza e organizacionnan humanitario na Gaza.

“Ayudo ta drentando” for di e pier, segun consehero di seguridad nacional Mericano, Jake Sullivan, a conta reporteronan ayera den respuesta na preguntanan tocante e lansamento di entregamento di ayudo for di e proyecto maritimo. “E no ta drentando na un velocidad cu cual nos ta contento.”

Vocero pa e Pentagon, Maj. Gen. Patrick Ryder, a conta reporteronan diamars cu e no ta kere cu e materialnan for di e pier a yega hende na Gaza ainda. Sullivan a bisa un dia despues cu algun a ser entrega “specificamente na e Palestinonan cu mester di dje.”

Oficialnan Mericano ta spera cu e pier na capacidad maximo por trece e equivalente di 150 truck yena cu material na Gaza tur dia. Esey ta un fraccion di e 600 truck di cuminda, tratamentonan nutricional di emergencia y otro material cu USAID a bisa mester tur dia pa hiba na hende na Gaza, y adresa e crisis humanitario treci pa e guerra di shete luna entre Israel y Hamas.

Restriccionnan Israeli riba crusadanan den e pais y un aumento den bringamento a corta entregamento di cuminda y combustible na Gaza, oficialnan internacional a bisa. E confiscamento di e crusada fronterisa di Rafah pa Israel, cual ta un punto di transito clave pa combustible y material pa Gaza, a contribui na trece operacionnan di



ayudo cerca di un collapse, segun ONU y gruponan di ayudo a bisa.

Tur 2.3 miyon hende di Gaza ta pasando dificil buscando cuminda, segun e gruponan di ayudo, cu e hefenan di WFP y USAID bisando cu hambruna a cuminsa den nort Gaza.

E proyecto di e pier Mericano pa trece ayudo na Gaza via e Lama Mediterraneo tabatin un lansamento dificil, cu grupo di hende tumando mayoria material den un convoy di asabra y un homber tira bao circunstancianan no splica

ainda.

E caos di diasabra a forsa suspension di convoynan di ayudo for di e pier pa dos dia. Shada Moghraby, e vocero di WFP na ONU, a bisa cu trucknan cargando ayudo for di e pier a yega na un warehouse di ONU diamars y ayera, pero no a bisa con hopi.

WFP a adverti e siman aki cu e proyecto Mericano por fracasa cu e excepcion di autoridadnan Israeli duna aprobacion y cooperacion pa rutanen alternativo riba tera y miho seguridad. Oficialnan humanitario y Merca ta bisa cu

e rutanen maritimo no ta un reemplazo pa trece ayudo via crusadanan riba tera, y repetidamente nan a haci yamado riba Israel pa permiti un entrada grandi di truck via puntanan di entrada y pa sigura cu trahadornan di ayudo ta safe for di e ehército Israeli.

Israel ta insisti cu ta pone ningun restriccion riba e cantidad di truck drentando Gaza y a culpa “e falta di capacidadnan logistico y buraco den trahadornan” entre gruponan di ayudo. Pero e operacionnan militar di Israeli ta haci e dificil pa gruponan busca e ayudo.

Noruega, Irlanda y España ta bisa cu nan lo reconoce un estado Palestino

(AP) - Noruega, Irlanda y España a bisa diaranson cu nan lo reconoce un estado Palestino, un movida grandemente simbolico cu ta profundisa Israel su isolacion mas di 7 luna despues di su guerra contra Hamas na Gaza. Israel inmediatamente a denuncia e decision y a retira su embajadornan for di e 3 pais.



cuminsa critica su conducta na Gaza.

Oficialnan Palestinonan a duna bon bini na e anuncio nan como un afirmacion di e lucha di decadanan pa un estado na Jerusalem, West Bank y Gaza Strip, teritorionan cu Israel a confisca den 1967 y te ainda ta controla.

Mientras alrededor di 140 pais, mas di dos tercer parti di Nacionnan Uni, ta reconoce un estado Palestino, diaranson su cascada di anuncio por crea momentum na un momento unda te hasta aliadonan cercano di Israel a

E timing di e movida tabata un sorpresa, sin embargo dialogo ta na caminda pa siman nan caba den algun pais di e Union Europeo tocante posiblemente reconoce un estado Palestino. E proponen tenan a argumenta cu e guerra a demostra e necesidad di un empuhe nobo den direccion di un solucion di dos estado, 15 aña despues cu negociacionnan entre Israel y e Palestinonan. Prome Minister di Israel Benjamin Netanyahu su gobierno ta den oposicion di un estado Palestino.

Esaki ta marca e di dos golpi contra Israel su reputacion internacional e siman aki despues cu e fiscal hefe di Corte Criminal Internacional a bisa cu e lo busca un ordo di aresto pa Netanyahu y su minister di defensa. Corte Internacional di Justicia tambe ta considerando acusacionnan di genocidio cu Israel a nenga rotundamente.

Den e agresion, militantenan lidera pa Hamas a drenta e frontera, asesinando 1,200 persona y tumando 250 como rehen. E fiscal di ICC ta pidi aresto pa 3 lider di Hamas. Israel su ofensiva andando a asesina mas di 35,000 Palestino segun Gaza su Ministerio di Salud y a causa un crisis humanitario y hambruna. Fiscal di ICC a acusa lidernan di Israel di usa hamber como un arma.

“Historia lo corda cu España, Noruega y Irlanda a dicidi di



duna un medaya di oro na asesinonan y violadornan di hamas,” Katz a bisa.

Den respuesta na e anuncio nan haci na Europa, Israel su Minister di Seguridad Nacional Itamar Ben-Gvir a haci un bishita provocativo na e moskee Al-Aqsa, un punto

na Jerusalem cu ta sagrado pa Musulmannan y Hudiunan, kendenan ta referi na esaki como e tempel. E movida lo por escala tensionnan den e region.

“Nos no lo permiti ni un solo declaracion tocante un estado Palestino,” el a expresa.

Merca:

Oficina di e Comité Nacional Republicano a ser evacua despues cu a descubri vialnan di sanger adresa pa Trump

(AP)—E oficina di e Comité Nacional Republicano (RNC) na Washington a ser evacua un rato ayera mientras polis tabata investigando dos vial di sanger cu a ser adresa na ex-presidente Donald Trump despues cu e posible nominado presidencial a tuma over e aparatus di e partido nacional.



Ekiponan di material peligroso a ser desplega despues cu a descubri e vialnan, segun e Capitol Police, ken a bisa cu nan no sigui investiga. No tabata claro di un hende a bin den contact cu e sanger y na ken e ta pertenece.

A adresa e vialnan na Trump, segun un persona familiar cu e situacion pero no autorisa pa papia tocante esaki publicamente. No tabata claro si un mensahe tabata compaña e vialnan splicando pakico a mand'e.

E presidente di e RNC, Michael Whatley, a condena e “atake repugnante” pero no a ofrece mas detaye. E secretaria di prensa di e White House, Karine Jean-Pierre a condena “cualquier forma di menasa,” agregando “cu no tin luga nos politica, no tin luga ningun caminda.”

Ayera, e Capitol Police

a publica un declaracion consehando hende pa no pasa den area unda e RNC ta situa, cual ta un caminata cortico for di e Capitol. E sargento di e House, cual ta e agente di protocol y di ehercemento di ley di e U.S. House of Representative, a manda un informacion consehando restriccions di trafico den e area “debi na un actividad policial na RNC.”

E liderazgo di Trump—cual ta inclui su nuera, Lara trump, como e vice-presidente di e partido nacional y ex-presidente di e GOP na North Carolina, Michael Whatley, como presidente di RNC—a tuma over e RNC, completando su obtencion di e partido nacional mientras e ta yegando na un tercer nominacion presidente entre e banda Republica.

E situacion ayera ta bin menos cu dos luna for di e Convencion Nacional Republicano na Milwaukee, unda Trump ta programa pa bira e nominado oficial di e partido y unda ta anticipa protestan grandi.

Aruba Bank ta anuncia “Diasabra di Hipoteca!” na su sucursal di Camacuri



Oranjestad, 22 di Mei, 2024 – Manera a ser anuncia na inicio di e campaña 'Perfect Pieces, Perfect Mortgage' di Aruba Bank, Aruba Bank lo habri algun diasabra dedica na e campaña pa asina por brinda e guía personaliza na un grupo di cliente cu nan schedule ta permiti nan pa bishita banco ariba un diasabra mainta.

E fechanan di e siguiente “Diasabra di Hipoteca!” ta conosi:

- Diasabra, 25 di Mei, 2024 di 9’or di mainta pa 1’or di merdia.
- Diasabra, 8 di Juni, 2024 di 9’or di mainta pa 1’or di merdia.

Aruba Bank kier encurasha, tur cliente pa bishita nan

website www.arubabank.com/perfectmortgage, pa asina por traha un cita (E-appointment) segun e orario cu ta mas conviniente pa e cliente.

Tambe tin opcion pa cliente cu ta desea di “Walk-in” pa ricibi guia di nos expertonan di Hipoteca cu lo ta presenta na nos “Mortgage Booth” pa duna e guia na cada cliente interesa pa logra e cas di nan soño.

Tocante e campaña di Hipoteca, Perfect Pieces, Perfect Mortgage:

E campaña aki ta diseña, pa e cliente cu kier cumpra, construi, of refinancia su cas. Sea bo kier realiza bo prome case, of ta desea di “upgrade” bo cas existente, nos Mortgage Advisors ta cla pa guia e cliente,

paso pa paso, den cada fase di e proceso. E campaña ta ofrece tarificanan competitivo, financiamiento cu ta fit cu e situacion di cada persona, e opcion di cumpra awor y cuminsa paga despues di 6 luna, y financiamiento cu por bai te cu 30 aña. Bishita www.arubabank.com/perfectmortgage awe mes, y explora tur beneficio y tuma e prome paso pa realiza e cas di soño. Tambe por traha cita via E-appointment, of bishita nos sucursalan pa ricibi mas informacion, nos tin un Mortgage Booth disponibel durante periodo di campaña.

Tambe, e campaña di Perfect Pieces, Perfect Mortgage, ta ofrece e cliente oportunidad pa gana CASH PRIZES: Probecha di e oferta special aki cu ta valido te cu dia 30 di juni, 2024. Pues, pa tur aplicante desde awe te cu dia 30 di juni, 2024, ta participa pa gana! Lo reparti un total di 30 mil florin den premio. E premio mayor lo ta AWG. 15,000, segundo premio lo ta AWG 10,000 y lo saca 5 ganador tambe di cada un AWG 1,000.- CASH.

Bishita Aruba Bank su website www.arubabank.com/perfectmortgage, of Aruba Bank su Facebook, y haya sa mas di nos campaña!